

古文辭類纂評註

第十冊



碑誌類下編一

古文辭類纂評註卷四十一

桐城姚鼐纂集

韓退之曹成王碑

於年少未
任事前提
奉母字從
天子字逗
起忠孝學
數語以學
輔性并後
辦賊方畧
俱攝方畧
標忠孝句
作骨立篇
以上下述
案此下以
當官而絡
孝道以絡
其間以絡
溫州賑饑
初出手政
績平袁賊
帶及袁賊
正叙慰母
盡孝慰母

王姓李氏諱皋字子蘭諡曰成其先王明以太宗子國曹絕復封傳五王至成王成王嗣封在玄宗世蓋於時年十七八紹爵三年而河南北兵作天下震擾王奉母太妃逃禍民伍得間走蜀從天子天子念之自都水使者拜左領軍衛將軍轉貳國子祕書王生十年而失先王哭泣哀悲弔客不忍聞喪除痛刮磨豪習委己於學稍長重知人情急世之要恥一不通侍太妃從天子於蜀既孝既忠持官持身內外斬斬由是朝廷滋欲試之於民上元元年除溫州長史行刺史事江東新剝於兵郡旱饑民交走死無弔王及州不解衣下令搭鎖擴門悉棄倉實與民活數十萬人奏報升秩少府與平袁賊仍徙祕書兼州別駕部告無事遷真於衡法成令修治出張施聲生勢長觀察使噫娼不能出氣誣以過犯御史助之貶潮州刺史楊炎起道州相德宗還王於衡以直前謾王之遭誣在理念太妃老將驚而戚出則囚服就辯入則

以上一節
撮叙法下

此專叙湖
南降國良

帶完孝道
終事

此專叙討
希烈收復
諸州縣事
為治兵主
筆

總括處筆
老

全節歸束
章法形勢

擁笏垂魚。坦坦施施。即貶於潮。以遷入賀。及是。然後跪謝告實。初。觀察使虐使將國良。往戍界。良以武岡畔。戍衆萬人。斂兵荆黔洪桂。伐之二年。尤張。於是。以王帥河南將五萬士。以討良爲事。王至。則屏兵。投良以書。中其忌諱。良畏乞降。狐鼠進退。王即假爲使者。從一騎。蹕五百里。抵良壁。鞭其門。大呼。我曹王來受良降。良今安在。良不得已。錯愕迎拜。盡降其軍。太妃薨。王棄部。隨喪之河南葬。及荆。被詔責還。會梁崇義反。王遂不敢辭以還。升秩散騎常侍。明年。李希烈反。遷御史大夫。授節帥江西。以討希烈。命至。王出止外舍。禁無以家事關我。哀兵。大選江州。羣能著職。王親教之。搏力勾卒。羸越之法。曹誅五界。艦步二萬人。以與賊選。嘖鋒蔡山。踣之。剜斬之。黃梅。大鞞長平。鑿廣濟。掀蘄春。撤蘄水。撥黃岡。策漢陽。行趾汴川。還大膊蘄水界中。披安三縣。拔其州。斬僞刺史。標光之北山。踏隨光化。括其州。十抽一推。救兵州東北屬鄉。還開軍受降。大小之戰三十有二。取五州十九縣。民老幼婦女不驚。市賈不變。田之果穀。下無一跡。加銀青光祿大夫工部尙書。改戶部。再換節臨荆及襄。眞食三百。王之在兵。天子西巡於梁。希烈北取汴鄭。東略宋園陳。西取汝。薄

俱控制有
撮收政績

末綴其子

妙即其子
官同地同

寫出萬然

忠孝之思
隱為其父

忠孝寄象
收映入神
趁點作碑

銘詳世胄
補序所及

八句括成
王

七句助其
子

東都王坐南方北向落其角距賊死咋不能入寸尺亡將卒十萬盡輸其南
州王始政於溫終政於襄恆平物估賤斂貴出民用有經一吏軌民使令家
聽戶視姦宄無所宿府中不聽急步疾呼治民用兵各有條次世傳為法任
馬彛將慎將鏗將潛借盡其力能薨贈右僕射元和初以子道古在朝更贈
太子太師道古進士司門郎刺利隨唐睦徵為少宗正兼御史中丞以節督
黔中朝京師改命觀察鄂岳蘄沔安黃提其師以伐蔡且行泣曰先王討蔡
實取沔蘄安黃寄惠未亡今余亦受命有事於蔡而四州適在吾封庶其有
集先王薨於今二十五年吾昆弟在而墓碑不刻無文其實有待子無用辭
乃序而詩之辭曰

太支十三曹於弟季或亡或微曹始就事曹之祖王畏塞絕遷零王黎公不
聞僅存子父易封三王守名延延百載以有成王成王之作一自其躬文被
明章武薦峻功蘇枯弱疆齷其姦猖以報於宗以昭於王王亦有子處王之
所惟舊之視蹶蹶陞陞實取實似刻詩其碑為示無止

註釋

傳五王

高宗永隆時明坐與太子賢通謀降封睿陵王徙黔州都督謝祐逼殺之三子俊
傑備俊嗣王旋俊傑并遇害中宗神龍時以傑子胤為嗣曹王後備自南還詔停

胤封而封備備卒，玄宗開元時，復封胤胤卒，子戡嗣，戡卒，子皐嗣，是為成王，碑言絕復封者，即降王零陵事也。
紹爵 紹繼也，爵位也。
河南北兵作 指安史之亂。
母

太妃 成王母，鄭氏。
從天子 時在中幸蜀。
失先王 開元二十一年，成王父戡卒。
上元 唐肅宗年號。
溫州 今浙江瑞安縣。
培 與剗同。
袁

賊 袁晁，台州人，寶應元年反。
眞 或作衡，今湖南衡陽縣。
觀察使 時辛京果為湖南觀察使。
噎媚 音冒，忌嫉也。
潮州 見與孟，尚書書。
楊

炎 字公南，鳳翔天興人。
坦坦 寬廣貌。
施施 舒行也。
國良 姓王，本湖南牙將，觀察使辛京果以其家富，使戍武岡，而以死罪加之，國良懼反。
武岡 今湖南武岡縣。

荆黔洪桂 並唐州名，荆，今湖北江陵縣，黔，今四川涪陵縣，洪，今江西南昌縣，桂，今廣西桂林縣。
踔 音掉，走也。
梁崇義 京兆長安人，德宗建中二年，詔加梁崇義同平章事。

崇義 拒詔。
李希烈 為江西觀察使兼御史大夫，以梟者患民之散而不可撓也，是以聖人作壹撓之也，又曰撓民力以待外事，然後患可以去，而王可致也。
江州 今江西九江縣，本作洪州。
搏力 新唐書，搏作團，搏力，秦兵法也，商子農戰篇，凡治國者，患民之散而不可撓也，是以聖人作壹撓之也，又曰撓民力以待外事，然後患可以去，而王可致也。

勾卒 勾伍相著。
嬴秦 秦姓，指秦也。
曹誅五界 敗則誅及其曹，獲則分界其伍，欲見而見曰選。
暈 音暈，遇也，心不盡食之也。
蔡山

在湖北 黃梅縣。
剗 削也。
蘄 今湖北蘄春縣。
鞞 音柔，揆也。
長平 長平城，在今河西南華縣東南。
鑿 斬伐也。
廣濟 今湖北廣濟縣。
掀 舉也。

梅 音警，擊也。
蘄水 今湖北蘄水縣。
揆 捨取也。
黃岡 今湖北黃岡縣。
筴 音類，舉也。
漢陽 今湖北漢陽縣。
趾 音此，蹈也，也，也。

今湖北 漢陽縣。
贖 音博，磔也，左成二年，殺而贖諸城上。
安三縣 安陸縣，今湖北安陸縣。
偽刺史 指王嘉祥。
光之北山 光，光州，今河南潢川縣。

按北山疑 稽，音查，大隨光化，並今湖北隨縣地，唐時置隨州，同。
十抽一推 推者，推也，獨髻為冠之稱，十抽一推者，言十推而取其一以為兵也。

襄 貞元元年，以梟為襄州刺史，山南東道節度使。
眞食三百 官實任者曰眞，貞元時，皐遷荆南節度使，賜實封三百戶。

梁 今陝西南鄭縣，興元二年，車駕

再換節臨荆及

襄 貞元元年，以梟為襄州刺史，山南東道節度使。

幸梁今河南開封縣建中四年李希烈陷汴州今河南鄭縣尊今河南商邱縣宋今河南淮陽縣汝今河南臨汝縣東都今河南洛陽縣昨音察聲大也

馬彝彝時掌幕府故不言將將慎姓伊字寡將錡姓王字昆將潛即李伯潛利隨唐睦鄂岳蕪沔安黃吾昆弟在

見前唐今河南北源縣睦今浙江建德縣道古歷為四州刺史黔中唐時屬江南道今湖南地元和八年道古充黔中觀察鄂岳蕪沔安黃昌縣岳今湖北

南岳陽縣蕪見前一河今湖北漢陽縣安見前黃今湖北黃岡縣元和十一年道古為六州都團練觀察使蔡今河南汝陽縣吾昆弟在皇三子象古

太支十二太宗十三子三早卒二貶死零王黎公零陵王俊黎國公傑皆為武后所殺子父易封指胤與備見傳五王註三王守

名指備胤齮音懇蹶蹶也陛陛卑也高卑也

韓退之清邊郡王楊燕奇碑

先叙家世

公諱燕奇字燕奇弘農華陰人也。大父知古祁州司倉烈。考文誨。天寶中實為平盧衙前兵馬使。位至特進。檢校太子賓客。封宏農郡開國伯。世掌諸蕃互市。恩信著明。夷人慕之。祿山之亂。公年幾二十。進言於其父曰。大人守官宜不得去。王室在難。某其行矣。其父為之請於戎帥。遂率諸將校之子弟各

次叙辭親從君

置。賜勳上柱國。寶應二年春。詔從僕射田公平劉展。又從下河北。大歷八年。帥師納戎帥勉於滑州。九年。從朝於京師。建中二年。城汴州。功勞居多。三年

置。賜勳上柱國。寶應二年春。詔從僕射田公平劉展。又從下河北。大歷八年。帥師納戎帥勉於滑州。九年。從朝於京師。建中二年。城汴州。功勞居多。三年

置。賜勳上柱國。寶應二年春。詔從僕射田公平劉展。又從下河北。大歷八年。帥師納戎帥勉於滑州。九年。從朝於京師。建中二年。城汴州。功勞居多。三年

此下叙功績動階

置。賜勳上柱國。寶應二年春。詔從僕射田公平劉展。又從下河北。大歷八年。帥師納戎帥勉於滑州。九年。從朝於京師。建中二年。城汴州。功勞居多。三年

傲春秋經
出入史記
樊鄴夏侯
嬰等傳

此下總叙
其賢能

括事上句
舉一節實
之兼詳復
姓本末叙
此下均叙
家事

逸韻

從攻李希烈先登貞元二年從司徒劉公復汴州十二年與諸將執以城叛者歸之於京師事平授御史大夫食實封百戶贈彩繪有加十四年年六十一五月某日終於家自始命左金吾大將軍凡十五遷爲御史大夫職爲節度押衙右廂兵馬使兼馬軍先鋒兵馬使階爲特進勳爲上柱國爵爲清邊郡王食虛邑自三百戶至三千戶眞食五百戶終焉公結髮從軍四十餘年敵攻無堅城守必完履危蹈難歔歔感發乘機應會捷出神怪不畏義死不榮幸生故其事君無疑行其事上無間言初僕射田公其母隔於冀州公獨請往迎之經營賊城出入死地卒致其母田公德之約爲父子故公始姓田氏田公終而後復其族焉嗣子通王屬良禎以其年十月庚寅葬公於開封縣魯陵岡隴西郡夫人李氏祔焉夫人清夷郡太守佑之孫漁陽郡長史獻之女柔嘉淑明先公而歿有男四人女三人後夫人河南郡夫人雍氏某官之孫某官之女有男一人女二人咸有至性純行夫人同仁均養親族不知異焉君子於是知楊公之德又行於家也銘曰

烈烈大夫逢時之虞感泣辭親從難於秦惟茲爰始遂勤其事四十餘年或

裨或專攻牢保危爵位已躋既明且慎終老無隳魯陵之岡蔡河在側烝烝

孝子思顯勳績斲石於此式垂後嗣

註釋 華陰今陝西華陰縣天寶見蘇子由唐論弘農今河南靈寶縣互市與外夷通商也祿山之亂天寶十四年安祿山反按燕

奇時年唐肅宗田公平盧兵馬使田神功也劉展宋州刺史上元元年劉展赴揚州長史登景山以兵拒

田神功生擒展楊潤平按碑作寶應誤大歷見張中丞傳書後滑州今河南滑縣建中見禘汴州今河南開封縣從攻李希烈貞元

四年十二月李希烈陷汴州興元元年十一月宋毫節度使劉洽大破希烈之衆希烈遁歸蔡州汴州平按碑云貞元二年誤冀州唐州今直隸正定境隴西見鼂錯言兵事書漁

陽今直隸密雲縣

韓退之唐故相權公墓碑

上之元和六年其相曰權公諱德輿字載之其本出自殷帝武丁武丁之子

降封於權權江漢間國也周衰入楚為權氏楚滅徙秦而居天水略陽苻秦

之王中國其臣有安邱公翼者有大臣之言後六世至平涼公文誕為唐上

庸太守荊州大都督長史焯有聲烈平涼曾孫諱倓贈尚書禮部郎中以藝

學與蘇源明相善卒官羽林軍錄事參軍於公為王父郎中生贈太子太保

諱皋以忠孝致大名去官累以官徵不起追諡貞孝是實生公公在相位三

始叙受姓之

叙籍貫

叙世系祖

略叙文公
晚節證法

好學祥順
四字是眼
目因上文
居喪故帶
孝敬二字
斥小人以
助君子為
其所以為
祥順處
是好學得
力處

極寫為相
之祥順所
以謂之道
德人

又是好學
得力處

年其後以吏部尚書授節鎮山南年六十以薨贈尚書左僕射諡文公公生
三歲知變四聲四歲能為詩七歲而貞孝公卒來弔哭者見其顏色聲容皆
相謂權氏世有其人及長好學孝敬祥順貞元八年以前江西府監察御史
徵拜博士朝士以得人相慶改左補闕章奏不絕譏排姦倖與陽城為助轉
起居舍人遂知制誥凡撰命詞九年以類集為五十卷天下稱其能十八年
以中書舍人典貢士拜尚書禮部侍郎薦士於公者其言可信不以其人布
衣不可用即不可信雖大官勢人交言一不以綴意奏廣歲所取進士明經
在得人不以員拘轉戶兵吏三曹侍郎太子賓客復為兵部遷太常卿天下
愈推為鉅人長德時天子以為宰相宜參用道德人因拜禮部尚書同中書
門下平章事公既辭謝不許其所設張舉措必本於寬大以幾教化多所助
與維匡調娛不失其正中於和節不為聲章因善與賢不矜主己以吏部尚
書留守東都諸師有利病不能自請者公常與疏陳不以露布復拜太常轉
刑部尚書考定新舊令式為三十編舉可長用其在山南河南勤於選付治
以和簡人以寧便以疾求還十三年某月甲子道薨於洋之白草奏至天子

卒葬

收上文亦以祥順導其君

收上文典貢士得人

收上文好學

詆訶事誌中不及

應人無嫉忌

應効裴延齡救于頔

應上道德人句

痾傷爲之不御朝。郎官致贈錫官居野處。上下弔哭。皆曰善人死矣。某年某月日葬。河南北山。在貞孝東五里。公由陪屬升列。年除歲遷。以至公宰。人皆喜聞。若已與。無有忌嫉者。于頔坐子殺人失位自囚。親戚莫敢過門省。顧朝莫敢言者。公將留守東都。爲上言曰。頔之罪既貫不竟。宜因賜寬詔。上曰。然。公爲吾行諭之。頔以不憂死。前後考第進士及庭所策試士。踵相躡爲宰相。達官與公相先後。其餘布處臺閣外府。凡百餘人。自始學至疾未病。未嘗一日去書不觀。公既以能爲文辭。擅聲於朝。多銘卿大夫功德。然其爲家。不視簿書。未嘗問有無。費不侂餘。公娶清河崔氏女。其父造嘗相德宗。號爲名臣。既葬。其子監察御史璩。纍然服喪。來有請。乃作銘文曰。

權在商周。世無不存。滅楚徙秦。嬴劉之門。甘泉始侯。以及安邱。詆訶浮屠。皇極之扶。貞孝之生。鳳鳥不至。爵位豈多。半塗以稅。壽考豈多。四十而逝。惟其不有。以惠厥後。是生相君。爲朝德首。行世祖之文。世師之流。連六官。出入屏毘。無黨無仇。舉世莫疵。人所憚爲。公勇爲之。其所競馳。公絕不窺。孰克知之。德將在斯。刻詩墓碑。以永厥垂。

此文專記弘為汴帥事凡為帥以前所紀皆為得立為帥張本無歧出者可以為法

註釋

武丁

商高宗也。權北當陽縣。

天水

見漢光武帝賜寶融璽書。

略陽

今甘肅秦安縣。

苻秦

苻堅據臨渭。國號曰秦。

翼

字子良。略陽人。為苻堅謀主。封安邱公。堅伐晉翼力諫不從。堅遂大敗。

源明

京兆人。初名預。字弱夫。肅宗時為秘書少監。

皋

字士繇。天寶末。安祿山為河北按察使。表皋為從事。察祿山有異志。詐死。奉其母南去。及渡江。祿山已反。由是名聞天下。代宗徵皋為起居舍人。以疾辭。李季卿奏舉節行。改著作郎。復不起。

授節鎮山南

元和十一年。以德與檢校吏部尚書。充山南西道節度使。

陽城

見爭臣論。

于頔

字允元。元和七年。頔使其子敏重賂梁正言。求出鎮。正言詐漸露。敏索其賂。不得。誘其奴支解之。棄溷中。事覺。頔與諸子素服待罪。具也。

韓退之贈太尉許國公神道碑

觀弘本傳及李光顏傳載弘以絮問撓光顏事與誌正相反退之諛墓亦已甚矣而文則雄偉首尾無一字懈精神奕然

韓姬姓以國氏其先有自穎川徙陽夏者其地於今為陳之太康太康之韓其稱蓋久然自公始大著公諱弘公之父曰海為人魁偉沈塞以武勇游仕許汴之間寡言自可不與人交眾推以為鉅人長者官至遊擊將軍贈太師娶鄉邑劉氏女生公是為齊國太夫人夫人之兄曰司徒玄佐有功建中貞元之間為宣武軍帥有汴宋毫穎四州之地兵士十萬人公少依舅氏讀書

六官

吏戶禮兵刑工六部也。

詐死

奉其母南去及渡江祿山已反由是名聞天下代宗徵皋為起居舍人

具也

具也。璩字大

命沙門道安同

無待子

蘇

蘇

無待子

蘇

無待子

蘇

無待子

功字必誤
或是官字
年是
以上皆紀
所以得爲
汴帥故下
績乃及其功
河南無事
四字遠則
暗引師道
事近則明
領誅鏢事

習騎射。事親孝謹。侃侃自將。不縱爲子弟華靡。遨放事。出入恭敬。軍中皆目之。嘗一抵京師。就明經試。退曰。此不足發名成業。復去從舅氏學。將兵數百人。悉識其材。鄙怯勇。指付必堪其事。司徒歎奇之。士卒屬心。諸老將皆自以爲不及。司徒卒。去爲宋南城將。比六七歲。汴軍連亂不定。貞元十五年。劉逸淮死。軍中皆曰。此軍司徒所樹。必擇其骨肉爲士卒所慕賴者付之。今見在人。莫如韓甥。且其功最大。而材又俊。卽柄授之。而請命於天子。天子以爲然。遂自大理評事拜工部尙書。代逸淮爲宣武軍節度使。悉有其舅司徒之兵。與地。衆果大悅。便之。當此時。陳許帥曲環死。而吳少誠反。自將圍許。求援於逸淮。啗之以陳歸汴。使數輩在館。公悉驅出斬之。選卒三千人。會諸軍擊少誠。許下。少誠失勢以走。河南無事。公曰。自吾舅歿。五亂於汴者。吾苗薈而髮。櫛之幾盡。然不一揃刈。不足令震駭。命劉鏐以其卒三百人待命於門。數之以數。與於亂。自以爲功。并斬之以徇。血流波道。自是訖公之朝京師。廿有一年。莫敢有譴呶叫號於城郭者。李師古詐言起事。屯兵於曹。以嚇滑師。且告假道。公使謂曰。汝能越吾界而爲盜邪。有以相待。無爲空言。滑師告急。公使

謂曰。吾在此。公無恐。或告曰。翦棘夷道。兵且至矣。請備之。公曰。兵來不除道也。不爲應。師古詐窮變索。遷延旋軍。少誠以牛皮鞵材遣師古。師古以鹽資少誠。潛過公界。覺皆留。輸之庫。曰。此於法不得以私相餽。田弘正之開魏博。李師道使來告曰。我代與田氏約相保援。今弘正非其族。又首變。兩河事亦公之所惡。我將與成德合軍討之。敢告。公謂其使曰。我不知利害。知奉詔行事耳。若兵北過河。我卽東兵以取曹。師道懼不敢動。弘正以濟誅吳元濟也。命公都統將軍。曰。無自行以遏北寇。公請使子公武以兵萬三千人會討蔡。下歸財與糧以濟諸軍。卒擒蔡姦。於是公爲侍中。而以公武爲鄆坊丹延節度使。師道之誅。公以兵東下。進圍考城。克之。遂進迫曹。曹寇乞降。鄆部既平。公曰。吾無事於此。其朝京師。天子曰。大臣不可以暑行。其秋之待。公曰。君爲仁。臣爲恭。可矣。遂行。既至。獻馬三千匹。絹五十萬。他綿紈綺纈又三萬。金銀器千。而汴之庫廩錢以貫數者。尙餘百萬。絹亦合百餘萬匹。馬七千。糧三百萬斛。兵械多至不可數。初公有汴。承五亂之後。掠賞之餘。且斂且給。恆無宿儲。至是公私充塞。至於露積不垣。册拜司徒兼中書令。進見上殿。拜跪給

通篇依次
順序而其
人之性情
才畧則總
括於末此
近代史家
作傳之通
例非史漢
舊法

扶贊元經體不治細微。天子敬之。元和十五年。今天子即位。公爲冢宰。又除
河中節度使。在鎮三年。以疾乞歸。復拜司徒中書令。病不能朝。以長慶二年
十二月三日薨於永崇里第。年五十八。天子爲之罷朝三日。贈太尉。賜布粟。
其葬物有司官給之。京兆尹監護。明年七月某日。葬於萬年縣少陵原。京城
東南三十里。楚國夫人翟氏祔。子男二人。長曰肅元。某官。次曰公武。某官。肅
元早死。公之將薨。公武暴病先卒。公哀傷之。月餘。遂薨。無子。以公武子孫紹
宗爲主後。汴之南則蔡。北則鄆。二寇患公居間。爲己不利。卑身佞辭。求與公
好。薦女請昏。使日月至。旣不可得。則飛謀釣誘。以間染我公。先事候情。壞其
機牙。姦不得發。王誅以成。最功定次。孰與高下。公子公武。與公一時俱授弓
鉞。處藩爲將。疆土相望。公武以母憂去鎮。公母弟充。自金吾代將渭北。公以
司徒中書令治蒲。於時弟充。自鄭滑節度平宣武之亂。以司空居汴。自唐以
來。莫與爲比。公之爲治嚴。不爲煩。止除害本。不多教條。與人必信。吏得其職。
賦入無所漏失。人安樂之。在所以富。公與人有畛域。不爲戲狎。人得一笑語。
重於金帛之賜。其罪殺人。不發聲色。問法何如。不自爲輕重。故無敢犯者。銘

曰

銘辭皆括
墓誌中語
為之無取
之誌外者
方望溪之
言殊未可
泥

在貞元世。汴兵五獠。將得其人。衆乃一。偈其人為誰。韓姓許公。礫其梟狼。養以雨風。桑穀奮張。厥壤大豐。貞元元孫。命正我宇。公為臣宗。處得地所。河流兩壩。盜連為羣。雄倡雌和。首尾一身。公居其間。為帝督姦。察其嘖呻。與其睨眴。左顧失視。右顧而踞。蔡先鄆鉏。三年而墟。槁乾四呼。終莫敢濡。常山幽都。孰陪孰扶。天施不留。其討不逋。許公預焉。其資何如。悠悠四方。既廣既長。無有外事。朝廷之治。許公來朝。車馬干戈。相平將乎。威儀之多。將則是己。相則三公。釋師十萬。歸居廟堂。上之宅憂。公讓太宰。養安蒲坂。萬邦絕等。有弟有子。提兵守藩。一時三侯。人莫敢攀。生莫與榮。歿莫與令。刻文此碑。以鴻厥慶。

註釋

韓姬姓

韓姓出自唐叔虞之後。曲沃桓叔之子萬。食邑於韓。因以為氏。

潁川

今河南開封縣境。

太康

今河南太康縣。秦滅韓。以其地為潁川郡。陽夏。隋改

為太

康許

今河南許昌縣。王碑。

司徒玄佐

司徒官名。玄佐姓劉。滑州匡城人。

建中貞元

並唐德宗年號。

宋

今河南商邱縣。安

徽寧

今安徽阜陽縣。

侃侃

音侃。不于虛譽也。

為宋南城將

貞元八年。玄佐卒。以其子士寧代為使。九年軍亂。逐士寧。以副使李萬榮為使。弘出為宋州南城將。

劉逸淮

懷州武涉人。後賜名全諒。

韓甥

即韓弘。

曲環

陝州安邑人。

吳少誠

幽州潞人。於貞元十四年反。

啗

音啗。以利誘人也。

苗彞

蒿。拔去田草也。苗。斨。而以髮斨之。

擷艾

擷音翦。猶斨也。

賊與駭

李師古

李納子。時德宗崩。告哀使未至。諸道義成節度使李元素密以遺詔示師古。師古欲乘國喪噬鄰境。

乃集將士謂曰聖上萬福而元素忽傳遺詔是反也

田弘正本名興賜名弘正字安道魏博治魏州屬河北道初田懷諫幼弱軍政皆決於家僮蔣士則衆皆憤怒田與晨入府士卒大譟環拜請為

留後諱詔以興師古異李師道母弟成德治恒州今直隸正定縣北時王承宗為成德節度使命公都統諸軍元和十年以元充淮西行

營都統使公武字從師道之誅元和十三年詔諸道發兵討李師道十年平盧都將劉悟執李師道斬之今天子指穆宗長慶唐穆宗年

號萬年縣屬關內道今本名自執金吾代將渭北充初為右金吾衛將軍元和十五年充代公武鎮渭北蒲今山

縣以司空居汴長慶二年汴州逐節度李愿立牙將李峇為留後充自義成節度使徙鎮宣武旋汴州監軍斬峇降充入汴加充檢校司空獠狂犬也愒與同磔裂也貞元元孫貞元皇帝之孫憲宗孀音端河邊地也睨眇音詣苟邪視也常山幽都常州成德軍幽州也蒲坂在今山西永濟

縣元和十五年出鎮河中

韓退之清河郡公房公墓碣銘

依次序述是東漢以來刻石文體但出韓公手自然簡古清峻其筆力不

可強幾也

公諱啓字某河南人其大王父融王父瑄仍父子為宰相融相天后事遠不

大傳瑄相玄宗肅宗處艱難中與道進退薨贈太尉流聲於茲父乘仕至祕

書少監贈太子詹事公胚胎前光生長食息不離典訓之內目濡耳染不學

以能始為鳳翔府參軍尚少人吏迎觀望見咸曰眞房太尉家子孫也不敢

首叙先世

次叙歷官

三叙經略
容桂

末叙致貶
之由

弄以事轉同州澄城丞。益自飾理。同官憚伏。衛晏使嶺南黜陟。求佐得公。擢
摘良姦。南士大喜。還推昭應主簿。裴胄領湖南。表公爲佐。拜監察御史。部無
遺事。胄遷江西。又以節鎮江陵。公亦隨遷。佐胄累功。進至刑部員外郎。賜五
品服。副胄使事。爲上介。上聞其名。徵拜虞部員外。在省籍籍。遷萬年令。果辯
傲絕。貞元末。王叔文用事。材公之爲。舉以爲容州經略使。拜御史中丞。服佩
視三品。管有嶺外十三州之地。林蠻洞蜒。守條死要。不相漁劫。稅節賦時。公
私有餘。削衣貶食。不立資遺。以班親舊朋友爲義。在容九年。遷領桂州。封清
河郡公。食邑三千戶。中人使授命書。應待失禮。客主違言。徵貳太僕。未至。貶
虔州長史。而坐使者。以疾卒。官年五十九。其子越能輯父事。無失。謹謹致孝。
既葬。碣墓請銘。銘曰。
房氏二相。厥家以聞。條葉被澤。況公其孫。公初爲吏。亦以門庇。佐使於南。乃
始已致。既辦萬年。命屏容服。公緒卓殊。氓獠循業。維不順隨。失署亡資。非公
之怨。銘以著之。

註釋

融武后時。以正諫大夫。瑄字次

天后唐高宗后。武則天也。

玄宗唐睿宗子。

肅宗玄宗子。

擣音乳。染也。

鳳翔

志本身以上三世官
闕贈卒常
套也此獨
爲全篇伏
案謹就其
三世叙情
一過
再將三世
形模歎想
一過
叙及謝世
仍連三世

今縣屬陝西關中道同州今陝西大荔縣衛晏建中元年遣黜陟使洪經論柳冕衛晏等一十人分行天下晏使嶺南裴胄字胤叔河東聞善人貞元三年以國子司業爲湖南觀察

使、江陵見歐陽永叔贈黎安二生序籍籍盛名萬年見贈太尉許國公神道碑愾音激疾也王叔文越州山陰人容州今廣西

蜒音誕南方夷也桂州今廣西臨桂縣中人使授命書至而坐使者啓除桂州州邸路吏部主者私得官告飛驛以授啓既而憲宗自遣中使

李建章持詔賜啓啓畏使者邀重賂即曰先五日已得詔使者詰請視因持之歸以聞七月貶啓太僕少卿啓自陳獻使者南口十五帝怒殺中使啓未至京師貶虔州長史佐使于南

衛晏

韓退之殿中少監馬君墓誌銘古者書旌極前即謂之銘故不必有韻之文始可稱銘

君諱繼祖司徒贈太師北平莊武王之孫少府監贈太子少傅諱暢之子生

四歲以門功拜太子舍人積三十四年五轉而至殿中少監年三十七以卒

有男八人女二人始余初冠應進士貢在京師窮不自存以故人稚弟拜北

平王於馬前王問而憐之因得見於安邑里第王軫其寒饑賜食與衣召二

子使爲之主其季遇我特厚少府監贈太子少傅者也姆抱幼子立側眉眼

如畫髮漆黑肌肉玉雪可念殿中君也當是時見王於北亭猶高山深林鉅

谷龍虎變化不測傑魁人也退見少傅翠竹碧梧鸞鵠停峙能守其業者也

幼子娟好靜秀瑤環瑜珥蘭茁其芽稱其家兒也後四五年吾成進士去而

古文萃頁裏平主碑誌類下編一 九

寄哀一逼

段段夾自
己又情文
關注
悲不自勝

首叙先世

次叙其歷
官卒葬

東遊哭北平王於客舍。後十五六年。吾為尚書都官郎。分司東都。而分府少
傅卒。哭之。又十餘年。至今哭少監焉。嗚呼。吾未髦老。自始至今。未四十年。而
哭其祖子孫三世。於人世何如也。人欲久不死。而觀居此世者。何也。

註釋

北平

北平王馬
燧字洵美

暢

燧二子。次暢。暢
亦二子。次繼祖。

故人稚弟

愈兄。與北
平王有故。

軫

痛也。

哭北平王於

客舍

貞元十一年五月。愈
東歸河陽。八月燧卒。

韓退之尚書庫部郎中鄭君墓誌銘

茅順甫云雋才逸興

君諱羣。字弘之。世為滎陽人。其祖於元魏時有假封襄城公者。子孫因稱以
自別。曾祖匡時。晉州霍邑令。祖千尋。彭州九隴丞。父迪。鄂州唐年令。娶河南
獨孤氏女。生二子。君其季也。以進士選吏部考功。所試判為上等。授正字。自
鄆縣尉拜監察御史。佐鄂岳使。裴均之為江陵。以殿中侍御史佐其軍。均之
徵也。遷虞部員外郎。均鎮襄陽。復以君為襄府左司馬。刑部員外郎。副其支
度使事。均卒。李夷簡代之。因以故職留君。歲餘。拜復州刺史。遷祠部郎中。會
衢州無刺史。方選人。君願行。宰相即以君應詔。治衢五年。復入為庫部郎中。

三叙其性情治行

文通逸風
神略似史
公

末叙妻子

行及揚州。遇疾。居月餘。以長慶元年八月二十四日卒。春秋六十。卽以其年十一月二十二日從葬於鄭州廣武原先人之墓次。君天性和樂。居家事人。與待交游。初持一心。未嘗變節。有所緩急。曲直薄厚。疏數也。不爲翕翕熱。亦不爲崖岸。斬絕之行。俸祿入門。與其所過逢。吹笙彈箏。飲酒舞歌。詼調醉呼。連日夜不厭。費盡不復顧問。或分挈以去。一無所愛惜。不爲後日豪髮計。留也。遇其空無時。客至清坐相看。或竟日不能設食。客主各自引退。亦不爲辭謝。與之遊者。自少及老。未嘗見其言色若有憂歎者。豈列禦寇莊周等所謂近於道者耶。其治官守身。又極謹慎。不挂於過差。去官而人民思之。身死而親故無所怨議。哭之皆哀。又可尙也。初娶吏部侍郎京兆韋肇女。生二女。一男。長女嫁京兆韋詞。次嫁蘭陵蕭儂。後娶河南少尹趙郡李則女。生一女。二男。其餘男二人。女四人。皆幼。嗣子退思。韋氏生也。銘曰。

再鳴以文進途闢。佐三府治藹厥績。郎官郡守愈著白。洞然渾璞絕瑕謫。甲子一終反立宅。

註釋

榮陽

見賈讓治河奏

元魏

魏初爲拓拔氏。至孝文帝改姓元氏。

襄城公

襄城。今河南襄城縣。襄城公姓鄭。名偉。字子直。西魏大統中封襄城郡公。

霍

今山西
霍縣
九隴
今四川
唐年
崇縣
鄂
見與鄂州
岳
今湖南
裴均
字君齊
河
襄陽
見送鄭
復州

見贈崔
復州序
衢州
今浙江
衢縣
長慶
見贈太尉許
鄭州
今河南
列禦寇莊周
並見蘇子
瞻韓非論
蘭陵
今山東
嶧縣

再鳴以文
謂進士及書
判拔萃也
佐二府治
謂鄂岳江
陵襄府

古文辭類纂評註卷四十一終

碑誌類下編二

古文辭類纂評註卷四十二

桐城姚鼐纂集

韓退之柳子厚墓誌銘

子厚諱宗元。七世祖慶。為拓跋魏侍中。封濟陰公。蓋塢先生云。柳慶仕終於宇文。又不為侍中。周書本傳可考。封平濟公。其

封濟陰。乃子厚六世祖且慶之子也。且封濟陰公。見柳集。隋書本傳不載。曾伯祖奭。為唐宰相。與褚遂良韓瑗俱得罪武后。

死。高宗朝。皇考諱鎮。以事母棄太常博士。求為縣令江南。其後以不能媚權

貴。失御史。權貴人死。乃復拜侍御史。號為剛直。所與游皆當世名人。子厚少

精敏。無不通達。逮其父時。雖年少。已自成人。能取進士第。嶄然見頭角。眾謂

柳氏有子矣。其後以博學宏詞授集賢殿正字。雋傑廉悍。議論證據。今古出

入。經史百子。踔厲風發。率常屈其坐人。名聲大振。一時皆慕與之交。諸公要

人。爭欲令出我門下。交口薦譽之。貞元十九年。由藍田尉拜監察御史。順宗

即位。拜禮部員外郎。遇用事者得罪。例出為刺史。未至。又例貶永州司馬。居

閒。益自刻苦。務記覽。為詞章。汎濫停蓄。為深博無涯涘。而自肆於山水間。元

和中。嘗例召至京師。又偕出為刺史。而子厚得柳州。既至。歎曰。是豈不足為

再黜柳

古文辭類纂評註

誌以矜其文章惜其黜廢兩意為關目首揭文章以薦進對黜廢以上叙進用上叙兩被黜初黜永就初黜勒到文章

叙世系起表出先世節行

政績自不可漏

就再黜仍勒文章

正叙筆挑出患難交情作抽叙對後無相知推挽者命意加力發慨耶爲子厚耶爲無世手子厚者耶神照在到意筆不處

打轉本身

所慨在此暗與上段對照

政邪因其土俗爲設教禁州人順賴其俗以男女質錢約不時贖子本相侔則沒爲奴婢子厚與設方計悉令贖歸其尤貧力不能者令書爲傭足相當則使歸其質觀察使下其法於他州比一歲免而歸者且千人衡湘以南爲進士者皆以子厚爲師其經承子厚口講指畫爲文詞者悉有法度可觀其召至京師而復爲刺史也中山劉夢得禹錫亦在遣中當詣播州子厚泣曰播州非人所居而夢得親在堂吾不忍夢得之窮無辭以白其大人且萬無母子俱往理請於朝將拜疏以柳易播雖重得罪死不恨遇有以夢得事白上者夢得於是改刺連州嗚呼士窮乃見節義今夫平居里巷相慕悅酒食遊戲相徵逐詡詡強笑語以相取下握手出肺肝相示指天日涕泣誓生死不相背負真若可信一旦臨小利害僅如毛髮比反眼若不相識落陷穽不一引手救反擠之又下石焉者皆是也此宜禽獸夷狄所不忍爲而其人自視以爲得計聞子厚之風亦可以少媿矣子厚前時少年勇於爲人不自貴重顧藉謂功業可立就故坐廢退既退又無相知有氣力得位者推挽故卒死於窮裔材不爲世用道不行於時也使子厚在臺省時自持其身已能如

層累曲折
轉籍黜廢
歸納文章
關目一線
矯若生龍

叙卒葬

裴盧是牽
連書法用
意俱有對
照

司馬刺史時亦自不斥斥時有人力能舉之且必復用不窮然子厚斥不久窮不極雖有出於人其文學辭章必不能自力以致必傳於後如今無疑也雖使子厚得所願為將相於一時以彼易此孰得孰失必有能辨之者子厚以元和十四年十一月八日卒年四十七以十五年七月十日歸葬萬年先人墓側子厚有子男二人長曰周六始四歲季曰周日子厚卒乃生女子二人皆幼其得歸葬也費皆出觀察使河東裴君行立行立有節槩重然諾與子厚結交子厚亦為之盡竟賴其力葬子厚於萬年墓者舅弟盧遵遵涿人性謹慎學問不厭自子厚之斥遵從而家焉逮其死不去既往葬子厚又將經紀其家庶幾有始終者銘曰

是惟子厚之室既固既安以利其嗣人

註釋

慶字更興魏文帝恭帝時人

拓跋北魏之姓氏也按魏本鮮卑相傳黃帝之裔黃帝以土

德王鮮卑人謂土為拓謂后為跋拓跋猶言土后也

侍中

官名見諸葛孔

明出師表濟陰北魏郡名今山東定陶縣

褚遂良

字登善唐太宗貞觀時為諫議大夫及高宗將立武后力諫叩頭流血貶官以憂卒韓瑗字伯玉京兆三原人以救遂良亦貶

死武后名墨唐太宗時為昭儀高宗立為后

高宗

名治太子

太常博士

太常寺之屬官也

御史

諫官

侍御史

官名居殿中察非法

嶄然高峻貌

博學宏詞

取士科名蓋取博學而文章弘麗者

集賢殿正字

官名蓋稱校讎之役

蹕

音卓踰越也

貞元

見張中丞傳書後

藍田今陝西藍田縣尉官名縣令之副也監察御史官名唐時各道設監察御史主察官吏順宗名誦德宗子禮部員外郎官名

禮部尚書之屬官也用事者得罪用事者指王叔文初子厚與叔文善叔文得政引子厚及叔文敗同黨皆貶謫刺史官名即太守外官也永州見柳子厚與蕭翰林

得書劉錫禹字夢得以文章登博學宏詞科司馬官名掌器械糧餉軍籍等事元和見張中丞傳書後柳州今廣西馬平縣觀察使官名猶今道尹中山今直隸涿州劉夢

年見贈太尉許國公神道碑銘河東河東道治晉陽今山西太原縣裴行立絳州稷山人涿今順天府涿縣

韓退之河南令張君墓誌銘

君諱署字某河間人大父利貞有名玄宗世為御史中丞舉彈無所避由是

出為陳留守領河南道探訪處置使數年卒官皇考諱郇以儒學進官至侍

御史君方質有氣形貌魁碩長於文辭以進士舉博學宏詞為校書郎自京

兆武功尉拜監察御史為倖臣所讒與同輩韓愈李方叔三人俱為縣令南

方二年逢恩俱徙掾江陵半載邕管奏君為判官改殿中侍御史不行拜京

兆府司錄諸曹白事不敢平視蓋鳩先生云此言署能使諸曹畏不敢平視茅順甫以為不得意處大誤唐書遜遜傳載孫簡論品秩云京兆河南司

錄及諸府州錄事參軍事皆操紀律正諸曹與尚書省左右丞紀綱六曹略等又李習之與河南尹論復故事有

云司錄入院諸官於堂上序立司錄投然後坐八九年來司錄使判司立東廊下司錄於西廊下得揖然後就

食觀此是司錄之駕於諸曹也又宋孝武起兵討元兇時共食公堂仰首促促就哺歆揖起趨以顏峻領錄事兼綜內外是州府重任在錄事由來久矣

十二字狀其為人

自校書至殿中侍御史凡七遷氣不可犯

自京兆司
錄至刑部
員外凡四
遷此下叙
度州刺史

此下叙禮
州刺史河
南令

二事見有
氣者之大
利百姓

免官又不
至京師總
見有氣
此下叙卒
葬子女

去無敢闕語。縣令丞尉畏如嚴京兆。事以辦治。京兆改鳳翔尹。以節鎮京西。請與君俱。改禮部員外郎。爲觀察使判官。帥宅遷。君不樂久去京師。謝歸。用前能拜三原令。歲餘。遷尙書刑部員外郎。守法爭議。棘棘不阿。改虔州刺史。民俗相朋黨。不訴殺牛。牛以大耗。又多捕生鳥雀魚鼈。可食與不可食相買賣。時節脫放。期爲福祥。君視事一皆禁督立絕。使通經吏與諸生之劾大郡。學鄉飲酒喪婚禮。張施講說。民吏觀聽。從化大喜。度支符州折民戶稅。歲徵緡六千屯。比郡承命惶怖。立期日。惟恐不及。事被罪。君獨疏言。治迫嶺下。民不識蠶桑。月餘。免符下。民相扶攜守州門。叫謹爲賀。改澧州刺史。民歲出雜產物與錢。尙書有經數。觀察使牒州徵民錢倍經。君曰。刺史可爲法。不可貪官害民。留噤不肯從。竟以代罷。觀察使使劇吏案簿書。十日不得豪毛罪。改河南令。而河南尹適君平生所不好者。君年且老。當日日拜走。仰望階下。不得已。就官數月。大不適。卽以病辭免。公卿欲其一至京師。君以再不得意於守令。恨曰。義不可更辱。又奚爲於京師間。竟閉門死。年六十。君娶河東柳氏女。二子昇奴胡師。將以某年某月某日葬某所。其兄將作少監昔請銘於右

庶子韓愈。愈前與君為御史。被讒俱為縣令。南方者也。最為知君。銘曰。誰之不如。而不公卿。奚養之違。而不久生。惟其頽頽。以世厥聲。

註釋 河間今直隸獻縣 玄宗名隆基 睿宗子 御史中丞官名 御史大夫之屬也 陳留今河南陳留縣 採訪處置使

官名 校書郎官名 掌校理典籍 京兆武功尉官名 倖臣指李實 邕管邕管經略史 路恐也 判官官名 殿中侍御

史 官名 掌殿廷供奉之儀 拜京兆府司錄貞元二十一年 李鄴為京兆尹 表署為府司錄參軍 促促不安貌 歔音吸 飲也 蘭語安語也 京

兆改鳳翔尹元和二年 以鄴為鳳翔尹 鳳翔隴右節度使 表署為判官 虔州今江西贛縣 澧州今湖南澧縣 河東見柳子厚墓誌銘

韓退之太原王君墓誌銘

此文已開王荆公誌銘文法

先叙官階

公諱仲舒。字弘中。少孤。奉其母居江南。遊學有名。貞元十年。以賢良方正拜左拾遺。改右補闕。禮部考功吏部三員外郎。貶連州司戶參軍。改夔州司馬。佐江陵使。改祠部員外郎。復除吏部員外郎。遷職方郎中。知制誥。出為峽州刺史。遷廬州。未至。丁母憂。服闋。改婺州蘇州刺史。徵拜中書舍人。既至。謂人曰。吾老不樂與少年治文書。得一道。有地六七郡。為之三年。貧可富。亂可治。身安功立。無愧於國家可也。日日語人。丞相聞問。語驗。即除江南西道觀察。

特提觀察使公之治績利民除奸諸設施均在篇中主幅也

卒葬

後補叙生
平歷官諸
治績完密
荆公孔道
輔銘全仿
此

總叙其治
術及文章
先生不苟
以文章許
人然承當
此四字亦
大難得

使兼御史中丞。至則奏罷權酒錢九千萬。以其利與民。又罷軍吏官債五千
萬。悉焚薄文書。又出庫錢二千萬。以丐貧民。遭旱不能供稅者。禁浮屠及老
子。爲僧道士。不得於吾界內。因山野立浮屠老子像。以其誑丐漁利。奪編人
之產。在官四年。數其蓄積。錢餘于庫。米餘于廩。朝廷選公卿於外。將徵以爲
左丞吏部。已用薛尚書代之矣。長慶三年十一月十七日。未命而薨。年六十
二。天子爲之罷朝。贈左散騎常侍。遠近相弔。以四年二月某日葬於河南某
縣先塋之側。公之爲拾遺。退朝。天子謂宰相曰。第幾人非王某耶。是時。公方
與陽城更疏論裴延齡詐妄。士大夫重之。爲考功吏部郎也。下莫敢有欺犯
之者。非其人。雖在同列。未嘗比數收拾。故遭讒而貶。在制誥。盡力直友人之
屈。不以權臣爲意。又被讒而出。元和初。婺川大旱。人餓死。戶口亡十七八。公
居五年。完富如初。按劾羣吏。奏其贓罪。州部清整。加賜金紫。其在蘇州。治稱
第一。公所至。輒先求人利害。廢置所宜。閉閣草奏。又具爲科條。與人吏約。事
備。一旦張下。民無不抃叫喜悅。或初若小煩。旬歲皆稱其便。公所爲文章。無
世俗氣。其所樹立。殆不可學。曾祖諱玄暉。比部員外郎。祖諱景肅。丹陽太守。

未叙家世
妻子

世系

總叙歷官
及卒葬

考諱政。襄鄧等州防禦使。鄂州採訪使。贈工部尚書。公先妣渤海李氏。贈渤海郡太君。公娶其舅女。有子男七人。初哲貞宏泰復洄。初進士及第。哲文學俱善。其餘幼也。長女壻劉仁師。高陵令。次女壻李行修。尚書刑部員外郎。銘曰。

氣銳而堅。又剛以嚴。哲人之常。愛人盡己。不倦以止。乃吏之方。與其友處。順若婦女。何德之光。墓之有石。我最其迹。萬世之藏。

註釋

仲舒

并州補闕拾遺

武后垂拱元年置補闕拾遺左右各二員掌供奉諷諫

連州

見柳子厚墓誌銘

夔州

今四川奉節縣

部員外郎

禮部尚書之屬官掌祠祀享祭等事

峽州

今湖北宜昌縣

廬州

今安徽合肥縣

婺州

今浙江金華縣

薛尚書代之

長慶三年

以尚書左丞薛方代仲舒鎮江西

陽城

見爭臣論

裴延齡

河中河東人

韓退之國子司業竇公墓誌銘

國子司業竇公諱牟字某。六代祖敬遠。嘗封西河公。大父同昌司馬。比四代仍襲爵名。同昌諱胤。生皇考諱叔向。官至左拾遺。溧水令。贈工部尚書。尚書於大曆初。名能為詩文。及公為文。亦最長於詩。孝謹厚重。舉進士及第。佐六府五公。八遷至檢校虞部郎中。元和五年。真拜尚書虞部郎中。轉洛陽令。都

叙科名亦見其篤厚

佐昭義軍亦見其篤厚

五府六公而僅叙崔鄭餘皆不叙文所以簡貴為府佐郎官守令司業各得其道篤厚君子之態叙得宛然可掬此篇中主峯也

兄弟子女

官郎中澤州刺史以至司業年七十四長慶二年二月丙寅以疾卒其年八月某日葬河南偃師先公尚書之墓次初公善事繼母家居未出學問於江東尚幼也名聲詞章行於京師人遲其至及公就進士且試其輩皆曰莫先寶生於時公舅袁高為給事中方有重名愛且賢公然實未嘗以干有司公一舉成名而東遇其黨必曰非我之才維吾舅之私其佐昭義軍也遇其將死公權代領以定其危後將盧從史重公不遣奏進官職公視從史益驕不遜偽疾經年舉歸東都從史卒敗死公不以覺微避去為賢告人公始佐崔大夫縱留守東都後佐留守司徒餘慶歷六府五公文武細粗不同自始及終於公無所悔望有彼此言者六府從事幾且百人有愿姦易險賢不肖不同公一接以和與信卒莫與公有怨嫌者其為郎官守令慎法寬惠不刻教誨於國學也嚴以有禮扶善遏過益明上下之分以躬先之恂恂愷悌得師之道公一兄三弟常羣庠鞏常進士水部員外郎朗夔江撫泗州刺史羣以處士徵自吏部郎中拜御史中丞出帥黔容以卒庠三佐大府自奉先令為登州刺史鞏亦進士以御史佐淄青府皆有材名公子三人長曰周餘好善

與己之關
李習之與
退之亦如
此也
煞句論定
照前
熟事練生
最奇崛

學文能謹謹致孝。述父之志曲而不黷。次曰某。曰某。皆以進士貢。女子三人。

愈少公十九歲。以童子得見。於今四十年。始以師事公。而終以兄事焉。公待

我一以朋友。不以幼壯先後致異。公可謂篤厚文行君子矣。其銘曰。

后緡竇逃。閱腹子。夏以再家竇為氏。聖愕旋河。犢引比。相嬰撥漢。納孔軌後

去觀津。而家平陵。遙遙厥緒。夫子是承。我敬其人。我懷其德。作詩孔哀。質於

幽刻。

註釋 字某 或作字貽周 京兆金城人 **大曆** 見張中丞 傳書後 **澤州** 今山西 晉陽縣 **袁高** 字公頤 滄州東光人 貞元初為給事中 **昭義**

軍將死 貞元二十年六月 昭義 軍節度使李長榮卒 **盧從史** 貞元二十年八月 以昭義 兵馬使盧從史為節度使 擢 音預 昇 車也 **從史卒敗死** 元和

五年 從使為其都知兵馬使烏重 裔所縛 送京師 貶驩州司馬卒 **留守東都** 貞元二年 以吏部侍郎崔縱 為東都留守 奏牟為府巡官 **餘慶** 元和五年 以河南尹 鄭餘慶為東都留守

奏牟為 府判官 **歷六府五官** 牟初為東都留守巡官 歷河 陽昭儀從事 再為留守判官 **常** 字中行 大曆 十四年進士 **羣** 字丹列 以處士隱居毗陵 貞元十六年 吏部侍郎韋

夏卿為京兆尹 薦羣 徵拜左拾遺 元和二年 武元衡為同平章事 舉羣代己為 御史中丞 三年 貶黔中觀察使 八年 遷容管經略使 九年 召還 至衡州卒 **庠** 字胃卿 貞元二十一年 韓臯出征武昌 奏庠為

推官 元和三年 臯移鎮浙西 以庠為副使 又為宣歙副使 **鞏** 字友封 元和二年進士 十四年 薛 平為平盧淄青節度使 表鞏自副 **后緡竇逃** 昔有過澆 滅夏后相 后緡方娠 逃歸自竇

生少康 少康生二子 曰杼 曰龍 龍居有仍 遂為竇氏 **聖愕** 史記 孔子不得用於衛 將西見趙簡子 至於河 聞竇鳴犢 舜華之死 臨河而歎曰 美水洋洋乎 丘之不濟此 命也夫 **相嬰** 竇

后從兄子嬰 相武帝 武帝太后好黃老 而嬰隆推儒術 貶道家 言撥漢納孔軌者 蓋謂撥漢家黃老之習 而納之孔子之道也

韓退之給事中清河張君墓誌銘

昌黎蓋鄙張之請故沒其名噎暗以爲生蓋卽謂之耶范陽帥張宏靖

皆密奏語
便伏下軍

亂
叙在幽州
值軍亂

罵如聞行
且罵如見
有聲有色
着語極精
神篇中主
峯也

張君名徹字某以進士累官至范陽府監察御史長慶元年今牛宰相爲御
史中丞奏君名節中御史選詔卽以爲御史其府惜不敢留遣之而密奏幽
州將父子繼續不廷選且久今新收臣又始至孤怯須強佐乃濟發半道有
詔以君還之仍遷殿中侍御史加賜朱衣銀魚至數日軍亂怨其府從事盡
殺之而囚其帥且相約張御史長者無侮辱轢蹙我事毋庸殺置之帥所居
月餘聞有中貴人自京師至君謂其帥公無負此土人上使至可因請見自
辨幸得脫免歸卽推門求出守者以告其魁魁與其徒皆駭曰必張御史張
御史忠義必爲其帥告此餘人餘人非畔者黨也恐其以言動之不如遷之別館卽與衆出君君
出罵衆曰汝何敢反前日吳元濟斬東市昨日李師道斬於軍中同惡者父
母妻子皆屠死肉餒狗鼠鴟鴞汝何敢反汝何敢反行且罵衆畏惡其言不
忍聞且虞生變卽擊君以死君抵死不絕罵衆皆曰義士義士或收瘞之
以俟事聞天子壯之贈給事中其友侯雲長佐鄆使請於其帥馬僕射爲之

叙歸葬

補叙內行
摹寫極細

家世

此銘上下
隔句各自
為韻蓋法
免置魚麗
等詩

古文辭類纂諸語

選于軍中。得故與君相知張恭李元章者。使以幣請諸范陽。范陽人義而歸之。以聞。詔所在給船。輿傳歸其家。賜錢物以葬。長慶四年四月某日。其妻子以君之喪葬於某州某所。君弟復亦進士。佐汴宋。得疾。變易喪心。驚惑不常。君得間。即自視衣褥。薄厚節時其飲食。而匕筯進養之。禁其家無敢高語出聲。醫餌之藥。其物多空。青雄黃諸奇怪物。劑錢至十數萬。營治勤劇。皆自君手。不假之人。家貧。妻子常有飢色。祖某某官。父某某官。妻韓氏。禮部郎中某之孫。汴州開封尉某之女。於余為叔父孫女。君嘗從予學。選於諸生而嫁與之。孝順祇修。羣女效其所為。男若干人。曰某。女子某。銘曰。

嗚呼。徹也。世慕顧以行。子揭揭也。噓暗以為生。子獨割也。汶波不清。作冰雪也。仁義以為兵。用不缺折也。知死不失信。行猛厲也。自申於闇。明莫之奪也。我銘以貞之。不肖者之咀也。

註釋

徹元和四年進士

牛宰相牛僧孺也

盡殺之而囚其帥

長慶元年幽州軍亂。囚節度使張弘靖於薊門館。殺判官韋雍。張宗元。崔仲清。

等。以徹長者不殺。樂音

鳴音鴉。為也。同鴉。

馬僕射名摠。字會元。

復元和元年進士

空青腹中空。破之有藥。治眼疾。一名楊梅青。

雄黃

出武都山。塊方數寸。明徹如鷄冠者佳。

韓退之試大理評事王君墓誌銘

茅順甫云澹宕多奇

君諱適。姓王氏。好讀書。懷奇負氣。不肯隨人。後舉選。見功業有道路可指取。有名節。可以戾契致。困於無資地。不能自出。乃以干諸公貴人。借助聲勢。諸公貴人。既志得。皆樂熟軟媚耳目者。不喜聞生語。一見。輒戒門以絕。上初卽位。以四科募天下士。君笑曰。此非吾時邪。即提所作書。緣道歌吟。趨直言試。既至。對語驚人。不中第。益困。久之。聞金吾李將軍年少喜事可撼。乃踏門告曰。天下奇男子王適。願見將軍白事。一見。語合意。往來門下。盧從史既節度。昭義軍張甚。奴視法度士。欲聞無顧忌大語。有以君生平告者。卽遣客鉤致。君曰。狂子不足以共事。立謝客。李將軍由是待益厚。奏爲其衛胄曹參軍。充引駕仗判官。盡用其言。將軍遷帥鳳翔。君隨往。改試大理評事。攝監察御史。觀察判官。櫛垢爬痒。民獲蘇醒。居歲餘。如有所不樂。一旦載妻子入闕。鄉南山不顧。中書舍人王涯。獨孤郁。吏部郎中張惟素。比部郎中韓愈。日發書問訊。顧不可強起。不即薦。明年九月。疾病。輿醫京師。某月某日卒。年四十四。十

王君不容
于嫉賢嫉
能之臣如
此

亦識時亦
自重

重擇妻一節見侯公識人

一月某日。即葬京城西南長安縣界中。曾祖爽。洪州武甯令。祖微。右衛騎曹參軍。父嵩。蘇州崑山丞。妻上谷侯氏。處士高女。高固奇士。自方阿衡。太師世莫能用吾言。再試吏。再怒去。發狂投江水。初。處士將嫁其女。懲曰。吾以齷齪窮。一女憐之。必嫁官人。不以與凡子。君曰。吾求婦氏久矣。惟此翁可人意。且聞其女賢。不可以失。即謾謂媒媪。吾明經及第。且選。即官人。侯翁女幸嫁。若能令翁許我。請進百金為媪謝。諾許白翁。翁曰。誠官人耶。取文書來。君計窮吐實。媪曰。無苦。翁大人不疑人欺。我得一卷書。粗若告身者。我袖以往。翁見未必取眎。幸而聽我行其謀。翁望見文書銜袖。果信不疑。曰。足矣。以女與王氏。生三子。一男二女。男三歲夭死。長女嫁亳州永城尉姚佺。其季始十歲。銘曰。

鼎也不可以拄車馬。也不可使守閭。佩玉長裾。不利走趨。祇繫其逢。不繫巧愚。不諧其須。有銜不祛。鑽石埋辭。以列幽墟。

註釋

辰契

契本作契。扭轉曰辰。多節目謂之契。謂名節可以扭轉枝節而致之也。

上初即位

指憲宗也。

四科

元和元年。試博通積典。達於教化。科。才識。

兼茂明於體用。科達於吏理。可使從政。科軍謀宏遠。堪任將帥。科

李將軍

李惟簡。憲宗時為命吾衛大將軍。

遷帥鳳翔

元和六年。以惟簡為鳳翔隴州節度使。

閩鄉

闕音聞、今河
南閿鄉縣

韓退之唐故朝散大夫商州刺史除名徙封州董府君墓誌銘

通篇琢句
練字務在
獨造出奇

以上隨父
宦之賢能
以下父歿
後繼官之
政績

公諱溪字惟深丞相贈太師隴西恭惠公第二子十九歲明兩經獲第有司
沈厚精敏未嘗有子弟之過賓接門下推舉人士侍側無虛口退而見其人
淡若與之無情者太師賢而愛之父子間自爲知己諸子雖賢莫敢望之太
師累踐大官臻宰相致平治終始以禮號稱名臣晨昏之助蓋有賴云太師
之平汴州年考益高挈持維綱鋤削荒顛納之太和而已其囊篋細碎無所
遺漏繫公之功上介尙書左僕射陸公長源齒差太師標望絕人聞其所爲
每稱舉以戒其子楊凝孟叔度以材德顯名朝廷及來佐幕府詣門請交屏
所挾爲太師薨始以祕書郎選參軍京兆府法曹日伏塔下與大尹爭是非
大尹屢黜已見歲中奏爲司錄參軍與一府政以能拜尙書度支員外郎遷
倉部郎中萬年令兵誅恒州改度支郎中攝御史中丞爲糧料使兵罷遷商
州刺史糧料吏有忿爭相牽告者事及於公因徵下御史獄公不與吏辨一
皆引伏受垢除名徙封州元和六年五月十二日死湘中年四十九明年立

皇太子有赦。令許歸葬。其子居中。始奉喪歸。元和八年十一月甲寅。葬於河南河南縣萬安山下。太師墓左。夫人鄭氏祔。公凡再娶。皆鄭氏女。生六子。四男二女。長曰全。正惠而早死。次曰居中。好學。善為詩。張籍稱之。次曰從直。曰居敬。尚小。長女嫁吳郡陸暢。其季女。後夫人之子。公之母弟全素。孝慈友弟。公坐事。棄同官令歸。公沒。比葬三年。哭泣如始喪者。大臣高其行。白為太子舍人。將葬。舍人與其季弟澥。問銘於太史氏韓愈。愈則為之銘。辭曰。物以久弊。或以輓毀。考致要歸。孰有彼此。由我者吾。不我者天。斯而以然。其誰使然。

註釋

隴西公

董晉也。生四子。全道。全浚。全素。全澥。溪。即全浚也。

平汴州

貞元十二年。宣武軍亂。以董晉為節度使。晉至。械鄆。惟恭。送京師。宣武節度使治汴。

州

音來。陸長源。字泳之。自前汝州刺史。為宣武行軍司馬。

楊凝

字懋功。號州弘農人。貞元十五年。晉卒。

兵誅恒州

德

軍治恒州。時王承宗為成德節度使。元和四年。以神策軍中尉吐突承璀為鎮州行營招討處置使。發兵討承宗。以溪及于皐。謨為東道行營糧料使。

兵罷

元和五年七月。赦承宗。

死湘

中

元和六年。糧料吏有忿爭。相告言。五月。溪。皐。謨皆坐贓數千緡。勅貸死。皐。謨流春州。溪封州。行至潭州。並遣中使賜死。令許歸葬。元和七年七月。立遂王。宥為太子。大赦天下。

韓退之唐朝散大夫贈司勳員外郎孔君墓誌銘

昭義節度盧從史有賢佐曰孔君。諱戡。字君勝。從史為不法。君陰爭不從。則

得春秋書法

詳叙

起法東法
悉敵

言不及用
因誌其卒

補寫一切
乃完密赤

於會肆言以折之。從史羞。面頰發赤。抑首伏氣。不敢出一語。以對。立為君更令改章。辭者前後屢數十。坐則與從史說古今。君臣父子。道順則受成福。逆輒危辱。誅死。曰。公當為彼。不得為此。從史常聳聽。喘汗居五六歲。益驕。有悖語。君爭。無改悔色。則悉引從事。空一府往爭之。從史雖羞。退益甚。君泣語其徒曰。吾所為止於是。不能以有加矣。遂以疾辭去。臥東都之城東。酒食伎樂之燕不與。當是時。天下以為賢。論士之宜在天子左右者。皆曰。孔君孔君云。會宰相李公鎮揚州。首奏起君。君猶臥不應。從史讀詔曰。是故舍我而從人耶。即誣奏君前在軍有某事。上曰。吾知之矣。奏三上。乃除君衛尉丞。分司東都。詔始下。門下給事中呂元膺封還詔書。上使謂呂君曰。吾豈不知戲也。行用之矣。明年元和五年正月。將浴臨汝之湯泉。壬子。至其縣食。方侍郎云此用春秋鄭伯髡頑卒於遂卒。年五十七。公卿大夫士相弔於朝。處士相弔於家。君卒之九十六日。詔縛從史送闕下。數以違命。流於日南。遂詔贈君尚書司勳員外郎。蓋用嘗欲以命君者。信其志。其年八月甲申。從葬河南河陰之廣武原。君於為義若嗜欲。勇不顧前後。於利與祿。則畏避退處。如怯夫然。始舉進士第。自金

縣書法。以發疑也。

秋鄭伯髡頑卒於

拾結明七

文似孔佐從史
主補從史
請妙又借
從史口補
佐前帥事
一筆雙用
尤妙
前言從葬
謂從先人
兆次而葬
也其地則
河南河陰
廣武原也

吾衛錄事為大理評事。佐昭義軍。軍帥死。從史自其軍。諸將代為帥。請君曰。從史起此軍行伍中。凡在幕府。惟公無分寸私。公苟留。惟公之所欲為。君不得已。留一歲。再奏。自監察御史至殿中侍御史。從史初聽用其言。得不敗。後不聽信。惡益聞。君棄去。遂敗。祖某某官。贈某某官。父某某官。君始娶宏農楊氏女。卒。又娶其舅宋州刺史京兆韋妃女。皆有婦道。凡生一男四女。皆幼。前夫人從葬。舅姑兆次。卜人曰。今茲歲未可以祔。從卜人言不祔。君母兄戮。尚書兵部員外郎。母弟戢。殿中侍御史。以文行稱朝廷。將葬。以韋夫人之弟前進士楚材之狀授愈曰。請為銘。銘曰。

允義孔君。茲惟其藏。更千萬年。無敢壞傷。

註釋

昭義軍。治潞州。今山西長治縣。

盧從史

盧虔子。貞元二十年。以從史為昭義節度使。表戡為書記。

從史為不法。從史

既得志。宴恣不道。至奪節將妻。

抑首伏氣。

猶言首伏地。而屏氣也。

宰相李公

指李吉甫。時以吉甫為淮南節度使。治揚州。即今江蘇江都縣。

流於日

南

元和五年四月。鎮州行營招討使吐突承瓘縛從史。送京師。貶驩州司馬。

佐昭義軍

時李長榮為昭義節度使。

碑誌類下編三

古文辭類纂評註卷四十三

桐城姚鼐纂集

韓退之李元賓墓銘

李觀字元賓其先隴西人也始來自江之東年二十四舉進士三年登上第又舉博學宏辭得太子校書一年年二十九客死於京師既歿之三日友人博陵崔弘禮葬之國東門之外七里鄉曰慶義原曰嵩原友人韓愈書石以誌之其辭曰

已乎元賓壽也者吾不知其所慕夭也者吾不知其所惡生而不淑誰謂其壽死而不朽誰謂之夭已乎元賓才高乎當世而行出乎古人已乎元賓竟何為哉竟何為哉

註釋

隴西

今甘肅隴西縣

博陵

今山東博平縣

崔弘禮

字從周

韓退之施先生墓銘

貞元十八年十月十一日太學博士施先生士丐卒其僚太原郭伉買石誌其墓昌黎韓愈為之辭曰

或先叙世系而後銘其功德或先表其能

誌中不稱元賓之長而銘著才高當世二語故爾可貴若通體贊頌不足取信矣

嚴潔

而後及世
系或有誌
無詩或有
詩無誌皆
韓公創法
通二經已
足傳不在
羅列生平
也
歐公作胡
安定墓表
同此意

先生明毛鄭詩。通春秋左氏傳。善講說。朝之賢士大夫。從而執經考疑者。繼於門。太學生習毛鄭詩春秋左氏傳者。皆其弟子。貴游之子弟。侍先生之說。二經。來太學。帖帖坐諸生下。恐不卒得聞。先生死。二經生喪其師。仕於學者。亡其朋。故自賢士大夫。老師宿儒。新進小生。聞先生之死。哭泣相弔。歸衣服貨財。先生年六十九。在太學者十九年。由四門助教為太學助教。由助教為博士。太學秩滿當去。諸生輒拜疏乞留。或留或遷。凡十九年。不離太學。祖曰旭。袁州宜春尉。父曰媯。豪州定遠丞。妻曰太原王氏。先先生卒。子曰友直。明州鄞縣主簿。曰友諒。太廟齋郎。系曰。先生之祖。氏自施父。其後施常。事孔子以彰。讎為博士。延為太尉。太尉之孫。始為吳人。曰然。曰續。亦載其迹。先生之興。公車是召。纂序前聞。于光有曜。古聖人言。其旨密微。箋註紛羅。顛倒是非。聞先生講論。如客得歸。卑讓肫肫。出言孔揚。今其死矣。誰嗣為宗。縣曰萬年。原曰神禾。高四尺者。先生墓耶。

註釋

明毛鄭詩

嘉話拾遺。予嘗與柳八韓十八詣施士。丐聽毛詩。

通春秋左氏傳

新唐書。士丐撰春秋傳。未甚傳。

施父

魯大夫。

施常

史記仲尼弟子列傳。施之常。字子桓。

讎

漢書儒林傳。施讎。字延。長卿。宣帝時為博士。

延

漢順帝陽嘉二年為太尉。

然

吳志。朱然。字義封。本姓施氏。然子續。字公緒。按續當作績。

肫肫同諄，懇誠貌。

韓退之南陽樊紹述墓誌銘樊紹述河中人。

樊紹述既卒且葬。愈將銘之。從其家求書。得書號魁紀公者三十卷。曰樊子者又三十卷。春秋集傳十五卷。表賤狀策。書序傳記。紀誌說論。今文讚銘。凡二百九十一篇。道路所遇。及器物門里雜銘。二百二十。賦十。詩七百一十九。曰多矣哉。古未嘗有也。然而必出於己。不襲蹈前人一言一句。又何其難也。必出入仁義。其富若生蓄。萬物必具。海含地負。放恣橫從。無所統紀。然而不煩於繩削而自合也。嗚呼。紹述於斯術。其可謂至於斯極矣。生而其家富貴。長而不有其藏一錢。妻子告不足。顧且笑曰。我道蓋是也。皆應曰。然。無不意滿。常以金部郎中告哀南方。還言某帥不治。罷之。以此出為緜州刺史。一年徵拜左司郎中。又出刺絳州。緜絳之人。至今皆曰。於我有德。以為諫議大夫。命且下。遂病以卒。年若干。紹述諱宗師。父諱澤。嘗帥襄陽江陵。官至右僕射。贈某官。祖某官。諱泳。自祖及紹述。三世皆以軍謀堪將帥。策上第以進。紹述無所不學。於辭於聲。天得也。在衆若無能者。嘗與觀樂。問曰。何如。曰。後當然。

總贊必出於己是論
必已出者
多苦索之
形尤難在
不煩繩削
略表性情
寫得脫洒
又簡潔
收束只於
辭二字括
盡夾搭於
聲略一證

明率任入
銘重括詞
必已出申
暢之
詞已出者
必以從順
識職為歸

通寫四面
親交哀迫
之誠

遞入作銘
友字點眼
叙梗概

約表氣象
詳稱詩學

已而果然銘曰。

惟古於詞必已出降而不能乃剽賊後皆指前公相襲從漢迄今用一律寥
寥久哉莫覺屬神徂聖伏道絕塞既極乃通發紹述文從字順各識職有欲
求之此其獨

註釋

告哀南方

元和十五年正月憲宗崩宗師以金部郎中告哀南方

策上第

開元中泳舉草澤科建中元年澤舉賢良方正直言極諫科元和三年四月宗

師舉軍謀宏遠堪任將帥科

韓退之貞曜先生墓誌銘

唐元和九年歲在甲午八月己亥貞曜先生孟氏卒無子其配鄭氏以告愈
走位哭且召張籍會哭明日使以錢如東都供葬事諸嘗與往來者咸來哭
弔韓氏遂以書告興元尹故相餘慶閏月樊宗師使來弔告葬期徵銘愈哭
曰嗚呼吾尚忍銘吾友也夫興元人以幣如孟氏賻且來商家事樊子使來
速銘曰不則無以掩諸幽乃序而銘之先生諱郊字東野父廷玢娶裴氏女
而選為昆山尉生先生及二季鄂郢而卒先生生六七年端序則見長而愈
騫涵而操之內外完好色夷氣清可畏而親及其為詩劇目鉅心刃迎縷解

叙出身及
歷官

官亦親交
提挈

公所以書
告興元尹

也終葬事并
及私證皆

留一恤後
者煞尾俱

學字函裏
友字則專

唯銘則專
概本歸節

于詩歸結

鉤章棘句。搯擢胃腎。神施鬼設。間見層出。惟其大翫於詞。而與世抹撥人皆

劫劫。我獨有餘。有以後時。開先生者曰。吾既擠而與之矣。其猶足存耶。年幾

五十。始以尊夫人之命來集京師。從進士試。既得即去。間四年。又命來。選為

溧陽尉。迎侍溧上。去尉二年。而故相鄭公尹河南。奏為水陸運從事。試協律

郎。親拜其母於門內。母卒五年。而鄭公以節領興元軍。奏為其軍參謀。試大

里評事。挈其妻行之。興元次於閬鄉。暴疾卒。年六十四。買棺以斂。以二人輿

歸。鄠郢皆在江南。十月庚申。樊子合凡。贈賻而葬之洛陽東。其先人墓左。以

餘財附其家而供祀。將葬。張籍曰。先生揭德振華。於古有光。賢者故事有易

名。況士哉。如曰貞曜先生。則姓名字行有載。不待講說而明。皆曰然。遂用之。

初先生所與俱學同姓簡。於世次為叔父。由給事中觀察浙東。曰。生吾不能

舉。死吾知恤其家。銘曰。

嗚呼貞曜。維執不猗。維出不訾。維卒不施。以昌其詩。

註釋

興元

唐府今陝西南鄭縣

餘慶

姓鄭字居業鄭州滎陽人元和元年以故相為山南西道節度使

閏月

是年閏八月

劓

音厥割也 鉞 音術長針

也

搯 音溜搯也

抹撥 掃滅也

溧陽

今江蘇溧陽縣

簡

字幾

閬鄉

見試大理評事王君墓誌銘

法曹爭河
南尹陷仇
家而不及
子反不及
此反不及
蓋與夫人
無甚關係
也六一南
陽縣君謝
氏墓誌亦
不闕入夫
身官閱政
聲知後人
諛墓是分
外語是分
四句世胄
八句婦道
所謂能配
其賢已寡
十句德所
後賢守其
謂能守其
法句老福
十句諸圖
畫入諸圖
六句總贊

韓退之河南法曹參軍盧府君夫人苗氏墓誌銘

夫人姓苗氏諱某字某上黨人曾大父襲夔贈禮部尚書大父殆庶贈太子
太師父如蘭仕至太子司議郎汝州司馬夫人年若干嫁河南法曹盧府君
諱貽有文章德行其族世所謂甲乙者先夫人卒夫人生能配其賢歿能守
其法男二人於陵渾女三人皆嫁爲士妻貞元十九年四月四日卒於東都
敦化里年六十有九其年七月某日祔於法曹府君墓在洛陽龍門山其季
女婿昌黎韓愈爲之誌其詞曰

赫赫苗宗族茂位尊或毗於王或貳於藩是生夫人載穆令聞爰初在家孝
友惠純乃及於行克媿德門肅其爲禮裕其爲仁法曹之終諸子實幼熒熒
其哀介介其守循道不違厥聲彌劭三女有從二男知教閭里歎息母婦思
效歲時之嘉嫁者來寧累累外孫有攜有嬰扶牀坐膝嬉戲謹爭既壽而康
既備而成不歎於約不矜於盈伊昔淑哲或圖或書嗟咨夫人孰與爲儔刻
銘寘墓以贊頌休

註釋

龍門山

在今河南洛陽縣西南三十里卽
闕塞山山之東曰香山西曰龍門

毗音皮貳副
輔也貳也

起叙乞銘
之由真率
而奇

叙直之遺
言乞銘益
切

叙世族簡
直之功名
始末

結以主夫

韓退之唐河中府法曹張君墓碣銘

有女奴抱嬰兒來。致其主夫人之語曰。妾張圓之妻劉氏也。妾夫常語妾云。吾常獲私於夫子。且曰。夫子天下之名能文辭者。凡所言必傳世行後。今妾不幸。夫逢盜死途中。將以日月葬。妾重哀其生志不就。恐死遂沈泯。敢以其稚子沐見先生。將賜之銘。是其死不爲辱。而名永長存。所以蓋覆其遺胤。子若孫。且死萬一能有知。將不悼其不幸於土中矣。又曰。妾夫在嶺南時。嘗疾病。泣語曰。吾志非不如古人。吾才豈不如今人。而至於此。而死於是邪。若爾吾哀。必求夫子銘。是爾與吾不朽也。愈既哭弔辭。遂敘次其族世名字事。始終而銘曰。

君字直之。祖謹。父孝新。皆爲官。沐宋間。君嘗讀書。爲文辭有氣。有吏才。嘗感激欲自奮。拔樹功名以見世。初舉進士。再不第。因去事宣武軍節度使。得官至監察御史。坐事貶嶺南。再遷至河中府法曹參軍。攝虞鄉令。有能名。進攝河東令。又有名。遂署河東從事。絳州闕刺史。攝絳州事。能聞朝廷。元和四年秋有事。適東方。既還。八月壬辰。死於汴城西雙邱。年四十有七。明年二月日。

葬河南偃師。妻彭城人。世有衣冠。祖好順。泗州刺史。父泳。卒蘄州。別駕。女四人。男一人。嬰兒汁也。是為銘。

註釋

逢盜死途中

李肇國史補云。張圓佐韓弘舊史。弘初秉節。事無大小。委之後。乃奏。貶圓多怨言。及量移。誘至汴州。極歡而遣之。行。次八角店。白日殺之。按此誌言。

逢盜死途中。當為韓弘諱也。

韓退之女拏壙銘

以刑部侍郎稱少秋官。此如以御史稱端公之類。皆徇俗不典。雖昌黎為之而不可法。

女拏。韓愈退之第四女也。惠而早死。愈之為少秋官。言佛夷鬼。其法亂治。梁武事之。卒有侯景之敗。可一掃刮絕去。不宜使瀾漫。天子謂其言不祥。斥之潮州。漢南海揭陽之地。愈既行。有司以罪人家不可留京師。迫譴之。女拏年十二。病在席。既驚痛與其父訣。又輿致。走道撼振。失食飲節。死於商南層峯驛。即瘞道南山下。五年。愈為京兆。始令子弟與其姆易棺衾。歸女拏之骨於河南之河陽。韓氏墓葬之。女拏死。當元和十四年二月二日。其發而歸。在長慶三年十月之四日。其葬在十一月。銘曰。

如泣如訴

汝宗葬於是。汝安歸之。惟永寧。

註釋

少秋官

元和十二年十二月。愈為刑部侍郎。

梁武

見論佛骨表。

侯景之敗

侯景圍梁武於臺城。武帝憂憤成疾而殂。

漢南海

揭陽

今並廣東縣。南海屬粵海道。揭陽屬潮循道。

柳子厚故襄陽丞趙君墓誌銘

官葬為一篇之根

詞似大支

一路寫來
離奇恠恍
宛如盲左
述神鬼之
事文法亦
古峭

改葬
以下妻及
家世

貞元十八年月日。天水趙公矜。年四十二。客死於柳州。官為斂葬於城北之野。元和十三年。孤來章始壯。自襄州徒行。求其葬不得。徵書而名其人。既死無能知者。來章日哭於野。凡十九日。惟人事之窮。則庶於卜筮。五月甲辰。卜秦詔兆之曰。金食其墨。而火以貴。其墓直丑。在道之右。南有貴神。冢土是守。乙巳於野。宜遇西人。深目而髯。其得實因。七日發之。乃覩其神。明日求諸野。有叟荷杖而東者。問之曰。是故趙丞兒耶。吾為曹信。是邇吾墓。噫。今則夷矣。直社之北。二百舉武。吾為子藹焉。辛亥。啓土。有木焉。發之。緋衣。緞衾。凡自家之物。皆在。州之人皆為出涕。誠來章之孝。神付是叟。以與龜偶。不然。其協焉如此哉。六月某日。就道。月日。葬於汝州龍城縣期城之原。夫人河南源氏。先沒而祔之。矜之父曰漸。南鄭尉。祖曰倩之。鄆州司馬。曾祖曰弘安。金紫光祿。

古文辭類纂評註

碑誌類下編三

五

大夫國子祭酒。始矜由明經爲舞陽主簿。蔡帥反。犯難來歸。擢授襄城主簿。賜緋魚袋。後爲襄陽丞。其墓自曾祖以下皆族以位。時宗元刺柳。用相其事。哀而旌之以銘。銘曰。

訓也挈之。信也。絕之。有朱其紱。神具列之。懇懇來章。神實恫汝。錫之老叟。告以兆語。靈其鼓舞。從而父祖。孝斯有終。福宜是與。百越蓁蓁。羈鬼相望。有子而孝。獨歸故鄉。涕盈其銘。旌爾勿忘。

註釋

貞元

見韓退之張中丞傳書後

天水

今甘肅通渭縣西南

柳州

今廣西馬平縣

元和

見韓退之張中丞傳書後

襄州

今湖北襄陽縣

秦

訓

音談。姓秦名訓。

絕

音撮。束茅而立之。以表位次。謂之絕。

汝州

見韓退之曹成王碑。

弘

音旦。

碑誌類下編四

古文辭類纂評註卷四十四

桐城姚鼐纂集

歐陽永叔資政殿學士文正范公神道碑銘

真西山云：按司馬文正公記聞：景祐中，呂許公執政，范文正公知開封，屢攻呂短，坐落職。

知饒州，康定元年，復舊職，知永興，會許公復相，言於仁宗曰：仲淹賢者，朝廷將用之，豈可但除舊職，即除龍圖閣直學士，陝西經略安撫副使，上以許公爲長者，天下亦以許公不念舊惡，又蘇文定公龍川志：范文正自饒州還朝，出領西事，恐許公不爲之地，無以成功，乃爲書自咎，解仇而去，故歐陽公作文正碑，有一公晚年默然相得之語，後生不知，皆咎歐陽公，予見張公安道言之乃信，又邵氏聞見錄：當時文正子堯夫不以爲然，從歐陽公辨，不可得，則自削去，雖然，戮力等語，公不樂，謂蘇明允曰：范公碑，爲其子弟擅於石本，改動文字，令人恨之，故今羅氏₄於坐落職，知饒州下，無明年呂公亦罷六字，爲陝西經略安撫副使上，無上復召相呂公六字，又無自公坐呂公貶已下，至故卒置羣議而用一段，以此觀之，諸家本，乃當時定本也，羅氏本，堯夫改本也，今從衆而載堯夫所改如此，朱文公答周益公書略云：蓋嘗竊謂呂公用事之時，舉措之不合衆心者，蓋亦多矣，而又惡忠賢之異己，必力排之，使不得容於朝廷，而後已，逮其晚節，知天下之公議，不可以終拂，亦以老病將歸，而不復有所畏忌，又慮失天下之事，或終至於危亂，不可如何，而彼衆賢之排去者，或將起而復用，則其罪必歸於我，而并及於吾之子孫，是以甯捐故怨，以爲收之桑榆之計，蓋其慮患之意，雖未必盡出於至公，而其補過之善，天下實被其賜，則與世之遂非長惡力戰天下之公議，以貽患於國家者，相去遠矣，至若范公之心，則其正大光明，固無宿怨，而倦倦之義，實在國家，故承其善意，起而樂爲之用，其自訟之書，所謂相公有汾陽之心之德，仲淹無臨淮之才之力者，亦不可不謂之傾倒而無餘矣，此書今不見於集中，恐亦以忠宣刊去而不傳也，此最爲范公之盛德，而他人之難者，歐陽公亦識其意，而特書之，撫實而言之，但曰呂公前日未免蔽賢之罪，而其後日誠有補過之功，范歐二公之心，則其終始本末，如青天白日，無一毫之可議，若范公所謂平生無怨惡於一人者，尤足以見其心量之廣大高明，可爲百世之師表，至於忠宣，則所見雖狹，然亦不害其爲守正，則不費詞說，而名正言順，無復可疑矣。

皇祐四年五月甲子，資政殿學士尚書戶部侍郎汝南文正公，薨於徐州。以其年十有二月壬申，葬于河南尹樊里之萬安山下。公諱仲淹，字希文，五代

擧官階卒
葬起

述少孤

羈窮力學

公既貴三字劃清

叙生平立志氣象

此下叙事以實事作一段揭上記事得體

下不箇類多諸言

之際世家蘇州事吳越太宗皇帝時吳越獻其地公之皇考從錢俶朝京師後為武甯軍掌書記以卒公生二歲而孤母夫人貧無依再適長山朱氏既長知其世家感泣去之南都入學舍掃一室晝夜講誦其起居飲食人所不堪而公自刻益苦居五年大通六經之旨為文章論說必本於仁義祥符八年舉進士禮部選第一遂中乙科為廣德軍司理參軍始歸迎其母以養及公既貴天子贈公會祖蘇州糧料判官諱夢齡為太保祖祕書監諱贊時為太傅考諱墉為太師妣謝氏為吳國夫人公少有大節於富貴貧賤毀譽歡戚不一動其心而慨然有志於天下常自誦曰士當先天下之憂而憂後天下之樂而樂也其事上遇人一以自信不擇利害為趨捨其所有為必盡其方曰為之自我者當如是其成與否不在我者雖聖賢不能必吾豈苟哉天聖中晏丞相薦公文學以大理寺丞為祕閣校理以言事忤章獻太后旨通判河中府一有陳州久之上記其忠召拜右司諫當太后臨朝聽政時以至日大會前殿上將率百官為壽有司已具公上疏言天子無北面且開後世弱人主以強母后之漸其事遂已又上書請還政天子不報及太后崩言事者

身存身後
防維調護
合并寫來
國體君德
俱全

伏范呂開
隙之根郭
后之廢呂
夷簡實成
之也

圖列遷進
遲速即後
杜絕恩濫
之見端爲
范呂嫌隙
正因

此下閣起
權幸忌嫉
專叙區處
西事不攪
他語將歷
任延慶兩
路作總一
而復書一

希旨。多求太后時事。欲深治之。公獨以謂太后受託先帝。保祐聖躬。始終十年。未見過失。宜掩其小故。以全大德。初太后有遺命。立楊妃代爲太后。公諫曰。太后母號也。自古無代立者。由是罷其册命。是歲大旱蝗。奉使安撫東南。使還。會郭皇后廢。率諫官御史伏閣爭。不能得。貶知睦州。又徙蘇州。歲餘。即拜禮部員外郎。天章閣待制。召還。益論時政闕失。而大臣權倖。多忌惡之。居數月。以公知開封府。開封素號難治。公治有聲。事日益暇。簡則益取古今治亂安危。爲上開說。又爲百官圖以獻。曰。任人各以其材。而百職修。堯舜之治。不過此也。因指其遷進遲速次序。曰。如此而可以爲公。可以爲私。亦不可以不察。由是呂丞相怒。至交論上前。公求對辨。語切。坐落職。知饒州。明年。呂公亦罷。公徙潤州。又徙越州。而趙元昊反河西。上復召相呂公。乃以公爲陝西經略安撫副使。遷龍圖閣直學士。是時新失大將。延州危。公請自守鄜延捍賊。乃知延州。元昊遣人遺書以求和。公以謂無事。請和難信。且書有僭號。不可以聞。乃自爲書。告以逆順成敗之說。甚辯。坐擅復書。奪一官。知耀州。未逾月。徙知慶州。旣而四路置帥。以公爲環慶路經略安撫。招討使。兵馬都部署。

事與下城
築將畧不
類故帶叙

於此延慶
類叙延慶
二州城築

營屯事
抽叙延州
分將練兵

覆詳慶州
城築事
關應敵其
叙加詳

總表將略
合延慶皆
括

再以歷事
西邊日期
總勒之

刺鄉兵用
熟羌兩事
又補叙法

累遷諫議大夫樞密直學士。公為將務持重。不急近功小利。於延州築青澗城。墾營田。復承平。永平廢塞。熟羌歸業者數萬戶。於慶州城大順以據要害。奪賊地而耕之。此一本無又城細腰胡蘆。於是明珠滅臧等大族。皆去賊為中國用。自邊制久隳。至兵與將常不相識。公始分延州兵為六將。訓練齊整。諸路皆用以為法。公之所在。賊不敢犯。人或疑公見敵應變為如何。至其城大順也。一旦引兵出。諸將不知所向。軍至柔遠。始號令告其地處。使往築城。至於版築之用。大小畢具。而軍中初不知。賊以騎三萬來爭。公戒諸將戰而賊走。追勿過河。已而賊果走。追者不渡。而河外果有伏。賊一有既字失計。乃引去。於是諸將皆服公為不可及。公待將吏必使畏法而愛己。所得賜賚皆以上意分賜諸將。使自為謝。諸蕃質子縱其出入。無一人逃者。蕃酋來見。召之臥內。屏人徹衛與語不疑。公居三歲。士勇邊實。恩信大洽。乃決策謀取橫山。復靈武。而元昊數遣使稱臣請和。上亦召公歸矣。初西人籍其鄉兵者十數萬。既而黥以為軍。惟公所部。但刺其臂。公去。兵罷獨得復為民。其於兩路。既得熟羌為用。使以守邊。因徙屯兵就食內地。而紆西人饋輓之勞。其所設施。去而人

西事畢
此下振轉
范呂之隙
與前根苗
相接
急撥轉逗
黨論緊插
主知得體

撮舉條奏

從此一出
不復矣

前提權倖
忌呂相怒
至是結案
又緊接上

德之與守其法不敢變者。至今尤多。自公坐呂公貶。羣士大夫各持二公曲。直。呂公患之。凡直公者。皆指爲黨。或坐竄逐。及呂公復相。公亦再起。被用於。是二公驩然。相約戮力平賊。天下之士。皆以此多二公。然朋黨之論。遂起而。不能止。上既賢公。可大用。故卒置羣議而用之。慶曆三年春。召爲樞密副使。五讓不許。乃就道。既至數月。以爲參知政事。每進見。必以太平責之。公歎曰。上之用我者至矣。然事有先後。而革弊於久安。非朝夕可也。既而止。再賜手詔。趣使條天下事。又開天章閣。召見。賜坐。授以紙筆。使疏於前。公惶恐避席。始退。而條列時所宜先者十數事上之。其詔天下興學取士。先德行。不專文辭。革磨勘例。遷以別能否。減任子之數。而除濫官。用農桑考課守宰等事。方施行。而磨勘任子之法。僥倖之人。皆不便。因相與騰口。而嫉公者。亦幸外有言。喜爲之佐佑。會邊奏有警。公即請行。乃以公爲河南陝西宣撫使。至則上書願復守邊。即拜資政殿學士。知邠州。兼陝西四路安撫使。其知政事。纔一歲而罷。有司悉奏罷公前所施行而復其故。言者遂以危事中之。顧上察其忠。不聽。是時夏人已稱臣。公因以疾請鄧州。守鄧三歲。求知杭州。又徙青州。

察其忠得體

以君恩東得體

叙本行不支

總結聲望

直應到慨然有志先憂後樂

八句世系六句總括字字周匝有體

十句西夏十四句國

論六句推恩勸忠結又體

公益病。又求知潁州。肩舁至徐。遂不起。享年六十有四。方公之病。上賜藥存問。既薨。輟朝一日。以其遺表無所請。使就問其家所欲。一有為字贈以兵部尚書。所以哀卹之甚厚。公為人。外和內剛。樂善泛愛。喪其母時。尚貧。終身非賓客。食不重肉。臨財好施。意豁如也。及退而視其私。妻子僅給衣食。其為政所至。民多立祠畫像。其行已臨事。自縉紳一作山林處士里閭田野之人。外至夷狄。莫不知其名字。而樂道其事者甚衆。及其世次官爵。誌於墓。譜於家。藏於有司者。皆不論著。著其繫天下國家之大者。亦公之志也。歟。銘曰。

范於吳越。世實陪臣。俶納山川。及其土民。范始來北。中間幾息。公奮自躬。與時偕逢。事有罪功。言有違從。豈公必能。天子用公。其艱其勞。一其初終。夏童跳邊。乘吏怠安。帝命公往。問彼驕頑。有不聽順。鋤其穴根。公居三年。怯勇墮完。兒憐獸擾。卒俾來臣。夏人在廷。其事方議。帝趣公來。以就予治。公拜稽首。茲惟艱哉。初匪其艱。在其終之。羣言營營。卒壞於成。匪惡其成。惟公是傾。不傾不危。天子之明。存有顯榮。沒有贈諡。藏其子孫。寵及後世。惟百有位。可勸無怠。

註釋

皇祐

見蘇子由元祐會計錄序

徐州

今江蘇銅山縣

吳越

吳越王錢鏐

椒鏐

子也

之

適也

祥符

見曾子固先大夫集後序

見蘇氏文集序

晏丞相

名殊字同叔

言事忤章獻太后旨

宋仁宗每以歲旦冬至率百官上太后壽於會甯殿遂同御大安殿以受朝仲淹上疏曰天子奉

河

中府見韓退之贈太傅董公行狀

郭皇后廢

后批尙美人類仁宗自起救之誤批帝類因廢后仲淹

親於內自有家人禮今願與百官同

位北面而朝非所以垂法後世也

與孔道輔孫祖德

等十人伏閣力爭

睦州

今浙江建德縣

開封府

今河南開封縣

呂丞相

名夷簡字坦夫萊州人

饒州

今江西鄱陽縣

潤州

今江蘇鎮江

蘇丹

越州

今廣東合浦縣

趙元昊

西夏主拓拔種李繼遷孫德明子據蘭山稱帝

徒縣

慶曆

宋仁宗年號

磨勘

宋制召試後有磨勘與堂除等法

例遷

謂循例陸遷也

任子

謂公卿子弟任爲官也

邠州

今陝西邠縣

耀州

今陝西耀縣

慶

州

今甘肅慶陽縣

慶曆

宋仁宗年號

磨勘

宋制召試後有磨勘與堂除等法

例遷

謂循例陸遷也

任子

謂公卿子弟任爲官也

邠州

今陝西邠縣

耀州

今陝西耀縣

鄧州

今河南鄧縣

杭州

見劉才甫送沈菽園序

青州

今山東益都縣

潁州

見韓退之贈太尉許國公神道碑

歐陽永叔太尉文正王公神道碑銘

至和二年七月乙未樞密直學士右諫議大夫王素奏事殿中已而泣且言

曰臣之先臣且相真宗皇帝十有八年今臣素又得待罪侍從之臣惟是先

臣之訓其遺業餘烈臣實無似不能顯大而墓碑至今無辭以刻惟陛下哀

憐不忘先帝之臣以假寵於王氏而勸其子孫天子曰嗚呼惟汝父且事我

文考真宗叶德一心克終厥位有始有卒其可謂全德元老矣汝素以是刻

於碑素拜稽首泣而出明日有詔史館修撰歐陽修曰王且墓碑未立汝可

文

點詔撰碑

通篇提挈

卒全德作

以帝語始

制疑重體

文叙起體

子請勅讓

之世以其

於嗣皇帝

宗朝碑立

王公卒真

宗朝碑立

王公卒真

入叙即提全銜封國以便連叙三代也

挿叙厥考舊德以著啓後之本

文以相業為篇主映起無閒筆

入公本身先撮叙廢

此層述太官宗朝所歷文從簡

在太宗朝以遲回不蓄進為停

以銘。臣修謹按故推誠保順同德守正翊戴功臣。開府儀同三司守太尉。充玉清昭應宮使上柱國。太原郡開國公。贈太師尚書令兼中書令。追封魏國公。諡曰文正。王公諱旦。字子明。大名莘人也。皇曾祖諱言。滑州黎陽令。追封許國公。皇祖諱徹。左拾遺。追封魯國公。皇考諱祐。尚書兵部侍郎。追封晉國公。皆累贈太師尚書令兼中書令。曾祖妣姚氏。魯國夫人。祖妣田氏。秦國夫人。妣任氏。徐國夫人。邊氏。秦國夫人。公之皇考。以文章自顯。漢周之際。逮事太祖太宗。為名臣。嘗諭杜重威使無反漢。拒盧多遜害趙普之謀。以百口明符彥卿無罪。故世多稱王氏有陰德。公之皇考亦自植三槐於庭曰。吾之後世必有為三公者。此其所以志也。公少好學有文。太平興國五年進士及第。為大理評事。知平江縣。監潭州銀場。再遷著作佐郎。與編文苑英華。遷殿中丞。通判鄭濠二州。王禹偁薦其材。任轉運使。驛召至京師。辭不受。獻其所為文章。得試直史館。遷右正言。知制誥。知淳化三年禮部貢舉。遷虞部員外郎。同判吏部流內銓。知考課院。右諫議大夫。趙昌言參知政事。公以壻避嫌。求解職。太宗嘉之。改禮部郎中集賢殿修撰。昌言罷。復知制誥。仍兼修撰判院。

提真宗即位著重

入真宗朝特表主知詳悉遭遇直趨到平章事為主筆先借錢公真宰相起器一語提

入相主筆勒住舉真此統舉治宗坐享公輔理成效無為君臣一德氣象為十八年相業之總賢宰相函蓋以下分類

事。召賜金紫。久之。遷兵部郎中。居職。真宗即位。拜中書舍人。數日。召為翰林學士。知審官院。通進銀臺封駁事。公為人嚴重。能任大事。避遠權勢。不可干以私。由是真宗益知其賢。錢若水名能知人。嘗稱公曰。真宰相器也。若水為樞密副使。罷。召對苑中。問誰可大用者。若水言公可。真宗曰。吾固已知之矣。咸平三年。又知禮部貢舉。居數日。拜給事中。知樞密院事。明年。以工部侍郎參知政事。再遷刑部侍郎。景德元年。契丹犯邊。真宗幸澶州。雍王元份留守東京。得暴疾。命公馳自行在。代元份留守。二年。遷尚書左丞。三年。拜工部尚書。同中書門下平章事。集賢殿大學士。監修國史。是時契丹初請盟。趙德明亦納誓約。願守河西故地。二邊兵罷不用。真宗遂欲以無事治天下。公以謂宋興三世。祖宗之法具在。故其為相。務行故事。慎所改作。進退能否。賞罰必當。真宗久而益信之。所言無不聽。雖他宰相大臣有所請。必曰。王某以謂如何。事無大小。非公所言不決。公在相位十餘年。外無夷狄之虞。兵革不用。海內富實。羣工有司。各得其職。故天下至今稱為賢宰相。公於用人。不以名譽必求其實。苟賢且材矣。必久其官。衆以為宜某職。然後遷。其所薦引。人未嘗

叙穎各有
提授其人
賢以人未
嘗知作提

就薦寇一
事見人莫
知之概

又就薦行
簡一事見
人莫知之
概

此叙斷決
事機以語
簡理當作
提

諷諭德以
重儲德是
一事

服西夏以
伸國體是
一事

杜欺罔以
警君心是
一事

知寇準為樞密使當罷使人私公求為使相公大驚曰將相之任豈可求耶且吾不受私請準深恨之已而制出除準武勝軍節度使同中書門下平章事準入見涕泣曰非陛下知臣何以至此真宗具道公所以薦準者準始愧歎以為不可及故參知政事李穆子行簡有賢行以將作監丞居於家真宗召見慰勞之遷太子中允初遣使者召不知其所止真宗命至中書問王某然後人知行簡公所薦也公自知制誥至為相薦士尤多其後公薨史官修真宗實錄得內出奏章乃知朝廷之士多公所薦者公與人寡言笑其語雖簡而能以理屈人默然終日莫能窺其際及奏事上前羣臣異同公徐一言以定今上為皇太子太子諭德見公稱太子學書有法公曰諭德之職止於是邪趙德明言民飢求糧百萬斛大臣皆曰德明新納誓而敢違請以詔書責之真宗以問公公請敕有司具粟百萬於京師詔德明來取真宗大喜德明得詔書慚且拜曰朝廷有人大中祥符中天下大蝗真宗使人於野得死蝗以示大臣明日他宰相有喪死蝗以進者曰蝗實死矣請示於朝率百官賀公獨以為不可後數日方奏事飛蝗蔽天真宗顧公曰使百官方賀而蝗

抑中官以
肅兵柄是
一事

此以不自
辯引出為

人辯冤用
辯之必得

作提

免失火之
罪譴是一

事

釋朝士為
方術株連

是一事叙
此事尤悉

也所全者衆

胆識敏捷

已上叙相

業俱含得

真宗知遇

無間意至

此累叙引

如此豈不為天下笑耶。宦官劉承規以忠謹得幸。病且死。求為節度使。真宗

以語公曰。承規待此以瞑目。公執以為不可。曰。他日將有求為樞密使者。奈

何。至今內臣官不過留後。公任事久。人有謗公於上者。公輒引咎。未嘗自辯。至人有過失。雖人主盛怒。可辯者辯之。必得而後已。榮王宮火。延前殿。有言非天災。請置獄。劾火事。當坐死者百餘人。公獨請見曰。始失火時。陛下以罪已詔天下。而臣等皆上章待罪。今反歸咎於人。何以示信。且火雖有迹。甯知非天譴耶。由是當坐者皆免。日者上書言宮禁事。坐誅籍其家。得朝士所與往還。占問吉凶之說。真宗怒。欲付御史問狀。公曰。此人之常情。且語不及朝廷。不足罪。真宗怒不解。公因自取常所占問之書進曰。臣少賤時。不免為此。必以為罪。願并臣付獄。真宗曰。此事已發。何可免。公曰。臣為宰相。執國法。豈可自為之。幸於不發。而以罪人。真宗意解。公至中書。悉焚所得書。既而真宗悔。復馳取之。公曰。臣已焚之矣。由是獲免者衆。公累官至太保。以病求罷。入見滋福殿。真宗曰。朕方以大事託卿。而卿病如此。因命皇太子拜公。公言。皇太子盛德。必任陛下事。因薦可為大臣者十餘人。其後不至宰相者。李及凌

疾乞休動
德終始益
表人主倚
毗之隆恩
禮之重與
篇首叶德
一心有始
有卒等語
周詳同應

叙德配封
卒子孫官
闕

至此及其
內行先國
後家井井

素未官與
奏請撰碑
對照享
勒到配享
君臣始終
之誼至此
無極
此贊頌正

策二人而已。然亦皆為名臣。公屢以疾請。真宗不得已。拜公太尉兼侍中。五
日一朝視事。遇軍國大事。不以時入參決。公益惶恐。因臥不起。以疾懇辭。册
拜太尉。玉清昭應宮使。自公病。使者存問。日常三四。真宗手自和藥。賜之。疾
亟。遽幸其第。賜以白金五千兩。辭不受。以天禧元年九月癸酉薨於家。享年
六十有一。真宗臨哭。輟視朝三日。發哀於苑中。其子弟門人故吏。皆被恩澤。
卽以其年十一月庚申。葬公於開封府開封縣新里鄉大邊村。公娶趙氏。封
榮國夫人。後公五年卒。子男三人。長曰司封郎中雍。次曰贊善大夫冲。次曰
素。女四人。長適太子太傅韓億。次適兵部員外郎直集賢院蘇耆。次適右正
言范令孫。次適龍圖閣直學士兵部郎中呂公弼。諸孫十四人。公事寡嫂。謹
與其弟旭友。悌尤篤。任以家事。一無所問。而務以儉約率勵子弟。使在富貴
不知為驕侈。兄子睦。欲舉進士。公曰。吾常以大盛為懼。其可與寒士爭進。至
其薨也。子素。猶未官。遺表不求恩澤。有文集二十卷。乾興元年。詔配享真宗
廟庭。臣修曰。景德祥符之際。盛矣。觀公之所以相。而先帝之所以用公者。可
謂至哉。是以君明臣賢。德顯名尊。生而俱享其榮。歿而長配於廟。可謂有始

合奉詔之體恰得首尾相應以徵詩收叙引銘語更得體并頌時君更得體銘首四句包舉中十六句是正頌既融渾復條哲後十句歸美時君與碑叙法同

有卒如明詔所褒昔者烝民江漢推大臣下之事所以見任賢使能之功雖曰山甫穆公之詩實歌宣王之德也臣謹考國史實錄至於縉紳故老之傳得公終始之節而錄其可紀者輒為銘詩以彰先帝之明以稱聖恩褒顯王氏流澤子孫與宋無極之意銘曰

烈烈魏公相我真宗真廟翼翼魏公配食公相真宗不言以躬時有大事事有大疑匪卜匪筮公為著龜公在相位終日如默問其夷狄包裹兵革問其卿士百工以職問其庶民耕織衣食相有賞罰功當罪明相有黜升惟否惟能執其權衡萬物之平孰不事君胡能必信孰不為相其誰有終公薨於位太尉之崇天子孝思來薦清廟侑我文考惟時元老天子念公報公之隆春秋從享萬祀無窮作為詩歌以諗廟工

註釋

至和

見曾子固范貫之奏議集序

王素

字仲儀

勛

音蓄勉也

叶

古協字

莘

宋縣屬河北東路大明府今山東東臨道莘縣

黎陽

今河南

縣

大平興國

宋太宗年號

平江縣

今湖南平江縣

鄭

見韓退之贈張童子序

濠

今安徽鳳陽縣

澇化

宋太宗年號

錢若水

字澹臣

一

字長卿河

南新安人

咸平景德

見蘇子由元祐會計錄序

契丹

見五代史職方考序

澶州

今直隸清豐縣西南

趙德明

西夏主

寇準

字平仲華

字

平

州下

李行簡

字易從閩州馮翊人

大中祥符

宋真宗年號

天禧

宋真宗年號

韓億

字宗魏真定靈壽人

呂公弼

字實臣夷簡子

字

實臣

夷簡子

乾興

宋真宗年號

古文辭類纂評註卷四十四終

碑誌類下編五

古文辭類纂評註卷四十五

桐城姚鼐纂集

歐陽永叔河南府司錄張君墓表

方侍郎云空明澄澈無一滯筆

草葬起因
點逗諸人
姓名如奕
者布子爲
後應

揭出二子
改葬伏有
後者亦是
布子亦是
挈改葬之
因本叙司
此本叙司
錄之履歷
而錢文僖
爲府主吏
屬爲同遊
亦是布子

故大理寺丞河南府司錄張君諱汝士字堯夫開封襄邑人也明道二年八月壬寅以疾卒於官享年三十有七卒之七日葬洛陽北邙山下其友人河南尹師魯誌其墓而廬陵歐陽修爲之銘以其葬之速也不能刻石乃得金谷古甌命太原王顧以丹爲隸書納於壙中嘉祐二年某月某日其子吉甫山甫改葬君於伊闕之教忠鄉積慶里君之始葬北邙也吉甫纔數歲而山甫始生余及送者相與臨穴視窆且封哭而去今年春余主試天下貢士而山甫以進士試禮部乃來告以將改葬其先君因出銘以示余蓋君之卒距今二十有五年矣初天聖明道之間錢文僖公守河南公王家子特以文學仕至貴顯所至多招集文士而河南吏屬適皆當時賢材知名士故其幕府號爲天下之盛君其一人也文僖公善待士未嘗責以吏職而河南又多名

此處之相
樂與前哭
而後作配
都爲後文
激射

摘一語簡

實點改葬
有後二字

揭眼
撮攏諸色

人前化煙
霧後啓混

一岩黏上
卸下

爲善有後
結穴

用二子結
亦有法

山水竹林茂樹。奇花怪石。其平臺清池。上下荒墟草莽之間。余得日從賢人長者賦詩飲酒以爲樂。而君爲人靜默修潔。常坐府治事。省文書。尤盡心於獄訟。初以辟爲其府推官。既罷。又辟司錄。河南人多賴之。而守尹屢薦其材。君亦工書。喜爲詩。閒則從余遊。其語言簡而有意味。飲酒終日不亂。雖醉未嘗頽墮。與之居者。莫不服其德。故師魯誌之曰。飭身臨事。余嘗愧堯夫。堯夫不余愧也。始君之葬。皆以其地不善。又葬速。其禮不備。君夫人崔氏有賢行。能教其子。而二子孝謹。克自樹立。卒能改葬君如吉卜。君其可謂有後矣。自君卒後。文僖公得罪貶死。漢東吏屬亦各引去。今師魯死且十餘年。王顧者死亦六七年矣。其送君而臨穴者。及與君同府而遊者。十蓋八九死矣。其幸而在者。不老則病且衰。如予是也。嗚呼。盛衰生死之際。未始不如是。是豈足道哉。惟爲善者能有後。而託於文字者可以無窮。故於其改葬也。書以遺其子。俾碣於墓。且以寫余之思焉。吉甫今爲大理寺丞。知緱氏縣。山甫始爲進士。賜出身云。

註釋

師魯

見江鄰幾文集序

壙

墓穴也

嘉祐

見曾子固序女傳目錄序

伊闕

見賈讓治河奏

窆

音疋。葬下棺也

天聖明道

並宋仁宗

年錢文僖公名維演字希聖綴氏今河南

吳越王俶之子

綴氏

偃氏縣

歐陽永叔胡先生墓表

先生諱瑗字翼之姓胡氏其上世為陵州人一本作京兆後為泰州如臯人一作海陵先

生為人師言行而身化之使誠明者達昏愚者勵而頑傲者革故其為法嚴

而信為道久而尊師道廢久矣自景祐明道以來學者有師惟先生暨泰山

孫明復石守道三人而先生之徒最盛其在湖州之學弟子去來常數百人

各以其經轉相傳授其教學之法最備行之數年東南之士莫不以仁義禮

樂為學慶歷四年天子開天章閣與大臣講天下事始慨然詔州縣皆立學

於是建太學於京師而有司請下湖州取先生之法以為太學法至今著為

令後十餘年先生始來居太學學者自遠而至太學不能容取旁官署一作

以為學舍禮部貢舉歲所得士先生弟子十常居四五其高第者知名當時

或取甲科居顯仕其餘散在四方隨其人賢愚皆循循雅飭其言談舉止本一

有遇之二字不問可知為先生弟子其學者相語稱先生不問可知為胡公也先生

初以白衣見天子論樂拜一有試字祕書省校書郎辟丹州軍事推官改密州觀

入手即提為人師通篇一線

以下都用

旁託法以徒最盛總

挈起湖學太學是兩柱

串筆自然

再就弟子邊添一段效驗之盛分外出色

此謹叙歷官就中點出遂居迺

居仍居三
句勒清在
兩學上

叙致仕而
歸仍以諸
生會送作
旁託收成

叙表墓仍
揭出慰學
者思作旁
託結證

從身後思
慕叙起愈

察推官。丁父憂去職。服除。爲保寧軍節度推官。遂居湖學。召爲諸王宮教授。以疾免。已而以太子中舍致仕。遷殿中丞於家。皇祐中。驛召至京師。議樂。復以爲大理評事。兼太常寺主簿。又以疾辭。歲餘。爲光祿寺丞。國子監直講。迺居太學。遷大理寺丞。賜緋衣銀魚。嘉祐元年。遷太子中允。充天章閣侍講。仍居太學。已而病不能朝。天子數遣使者存問。又以太常博士致仕。東歸之日。太學之諸生。與朝廷賢士大夫。送之東門。執弟子禮。路人嗟嘆以爲榮。以四年六月六日卒於杭州。享年六十有七。以明年十月五日。葬於烏程何山之原。其世次官邑與其行事。莆陽蔡君謨具一作其誌於幽堂。嗚呼。先生之德在乎人。不待表而見於後世。然非此無以慰學者之思。乃揭於其墓之原。六年八月三日。廬陵歐陽修述。

註釋

景祐明道

並見江鄰幾文集序

孫明復

名復晉州平陽人

石守道

名介兗州奉符人

湖州

今浙江吳興縣

慶歷

見資政殿學士文正范公神道碑銘

丹州

今陝西宜川縣

密州

見蘇子瞻徐州上皇帝書

皇祐嘉祐

並宋仁宗年號

蔡君謨

名襄

歐陽永叔連處士墓表

連處士。應山人也。以一布衣終於家。而應山之人。至今思之。其長老教其子

見當日之恩澤優渥句句伏下

家世籍貫

證實其孝
應上
證實其朋
恤應上

證實其仁
誨應上
此所謂富
而好行其
德者邪
其病卒亦
從仁愛而
來

文情婉宕

弟所以孝友恭謹禮讓而溫仁必以處士為法曰為人如連公足矣其矜寡孤獨凶荒飢饉之人皆曰自連公亡使吾無所告依而生以為恨嗚呼處士居應山非有政令恩威以親其人而能使人如此其所謂行之以躬不言而信者歟處士諱舜賓字輔之其先閩人自其祖光裕嘗為應山令後為磁郢二州推官卒而反葬應山遂家焉處士少舉毛詩一不中而其父正以疾廢於家處士供養左右十餘年因不復仕進父卒家故多資悉散以贖鄉里而教其二子以學曰此吾資也歲饑出穀萬斛以糶而市穀之價卒不能增及旁近縣之民皆賴之盜有竊其牛者官為捕之甚急盜窮以牛自歸處士為之媿謝曰煩爾送牛厚遺以遣之嘗以事之信陽遇盜於西關左右告以處士盜曰此長者不可犯也捨之而去處士有弟居雲夢往省之得疾而卒以其柩歸應山應山之人去縣數十里迎哭爭負其柩以還過縣市市人皆哭為之罷市三日曰當為連公一作當與處士行喪處士生四子曰庶庠庸膺其二子教以學者後皆舉進士及第今庶為壽春令庠為宣城令處士以天聖八年十二月某日卒慶歷二年某月日葬於安陸蔽山之陽自卒至今二十年應山

應起至今
思之句

叙出表墓
之由

先總叙官
職升降

賢者之過
觀其過可
知其賢矣

之長老識處士者。與其縣人。嘗賴以為生者。往往尚皆在。其子弟後生聞處士之風者。尚未遠。使更三四世。至於孫曾。其所傳聞。有時而失。則懼應山之人。不復能知處士之詳也。乃表其墓。以告於後人。一作云八年閏正月一日。廬陵歐陽修述。

註釋

應山

今湖北應山縣

矜

與鰥通

磁

今直隸磁縣

郢

見與尹師魯書

賙

音周贍也

信陽

今河南信陽縣

雲夢

今湖北雲夢縣

春

今安徽壽縣

宜城

今湖北宜城縣

歐陽永叔集賢校理丁君墓表

君諱寶臣。字元珍。姓丁氏。常州晉陵人也。景祐元年。舉進士及第。為峽州軍事判官。淮南節度掌書記。杭州觀察判官。改太子中允。知剡縣。徙知端州。遷太常丞。博士。坐海賊儂智高陷城失守。奪一官。徙置黃州。久之復得太常丞。監湖州酒稅。又復博士。知諸暨縣。編校祕閣書籍。遂為校理同知。太常禮院。君為人外和怡而內謹正。立望其容貌進趨。知其君子人也。居鄉里。以文行稱。少孤。與其兄篤於友悌。兄亡。服喪三年。曰。吾不幸幼失其親。兄吾父也。慶歷中。詔天下大興學校。東南多學者。而湖杭尤盛。君居杭學為教授。以其素

用文學提
起後以議
者照應後
總叙前後

憑空突起
伏後
細叙端州
失守本末
爲後御史
建言案發

所學問而自修於鄉里者教其徒久而學者多所成就其後天子患館閣職廢特置編校八員其選甚精乃自諸暨召居祕閣君治州縣聽決精明賦役有法民畏信而便安之其始治剡也如此後治諸暨剡鄰邑也其民聞其來謹曰此剡人愛而思之謂不可復得者也今吾民乃幸而得之而君亦以治剡者治之由是所至有聲及居閣下淡然不以勢利動其心未嘗走謁公卿與諸學士羣居恂恂人皆愛親之蓋其召自諸暨也才行選及在館閣久而朝廷益知其賢英宗每論人物屢稱之國家自削除僭僞東南遂無事偃兵弛備者六十餘年矣而嶺外尤甚其山海荒闊列郡數十皆爲下州朝廷命吏常以一縣視之故其守無城其戍無兵一日智高乘不備陷邕州殺將吏有衆萬人順流而下潯梧封康諸小州所過如破竹吏民皆望而散走獨君猶率羸卒百餘拒戰殺六七十人既敗亦走初賊未至君語其下曰幸得兵數千人伏小湘峽扼至險以擊驕兵可必勝也乃請兵於廣州凡九請不報又嘗得賊覘者一人斬之賊既平議者謂君文學宜居臺閣備侍從以承顧問而眇然以一儒者守空城提百十饑羸之卒當萬人卒至之賊可謂不幸

遙接每論
人物句

世系妻子

補叙委心
順運之學
問

而天子亦以謂縣官不素設備。而責守吏不以空手捍賊。宜原其情。故一切輕其法。而君以嘗請兵不得。又能拒戰殺賊。則又輕之。故他失守者皆奪兩官。而君奪一官。已而知其賢。復召用。後十餘年。御史知雜蘇宥受命之明日。建言請復治君前事。奪其職而黜之。天子知君賢。不可以一眚廢。而先帝已察其罪而輕之矣。又數更大赦。且罪無再坐。然猶以御史新用。故屈君使少避而不傷之也。乃用其校理歲滿所當得者。即以君通判永州。方待闕於晉陵。以治平四年四月某甲子。暴中風眩。一夕卒。享年五十有八。累官至尚書司封員外郎。階朝奉郎。勳上輕車都尉。曾祖諱某。祖諱某。皆不仕。父諱某。贈尚書工部侍郎。母張氏。仙游縣太君。君娶饒氏。封晉陵縣君。先卒。子男四人。曰隅。曰除。曰躋。皆舉進士。曰恩兒。纔一歲。女一人。適著作佐郎集賢校理胡宗愈。君既卒。天子憫然。推恩錄其子隅。爲太廟齋郎。君之生平。履憂患而遭困阨。處之安焉。未嘗見戚戚之色。其於窮達壽夭。知有命。固無憾於其心。然知君之賢。哀其志。而惜其命。止於斯者。不能無恨也。於是相與論著君之大節。伐石紀辭。以表見於後世。庶幾以慰其思焉。

直起孝友
盡喪禮

承居喪言

就世人不
善居喪層
層反跌出
周君
總應起處
又就禮教
陵夷上致
既反跌周
君

註釋

晉陵

今江蘇武進縣

景祐

見江鄰幾文集序

剡縣

今浙江嵊縣

端州

今廣東高要縣

儂智高

廣源州蠻據廣南

建國曰大南僭號

啓歷自稱

黃州

今湖北黃岡縣

湖州

見胡先

諸暨

今浙江諸暨縣

慶曆

見資政殿學士文

邕州

正范公神道碑銘

今廣西南寧縣

潯

西桂平縣

梧州

今廣西蒼梧縣

封

今廣東封川縣

康

今廣東德慶縣

羸

疲弱也

廣州

今廣東番禺縣

永州

見柳子厚與蕭翰林僂書

錄

歐陽永叔太常博士周君墓表

有篤行君子曰周君者。孝於其親。友於其兄弟。居父母喪。與其兄某弟某居於倚廬。不飲酒食肉者三年。其言必戚。其哭必哀。除喪而癯然不能勝人事者。蓋久而後復。自孔子在魯。而魯人不能行三年之喪。其弟子疑以爲問。則非魯而他國可知也。孔子沒而其後世又可知也。今世之人。知事其親者多矣。或居喪而不哀者有矣。生能事而死能哀。或不知喪禮者有矣。或知禮而以謂喪主於哀而已。不必合於禮者有矣。如周君者。事生盡孝。居喪盡哀。而以禮者也。禮之失久矣。喪禮尤廢也。今之居喪者。惟仕宦婚嫁聽樂不爲。此特法令之所禁爾。其衰麻之數。哭泣之節。居處之別。飲食之變。皆莫知夫有禮也。在上位者。不以身率其下。在下者。無所望於其上。其遂廢矣乎。故吾於

叙仕宦生
日卒葬

世系及妻

補叙學問
及行誼才

能

文集後嗣

歸重孝字
作總束收
通篇

周君有所取也。君諱堯卿，字子俞，道州永明縣人也。天聖二年，舉進士，累官至太常博士。歷連衡二州司理參軍，桂州司錄，知高安寧化二縣，通判饒州。未行，以慶歷五年六月朔日卒於朝集之舍。享年五十有一。皇祐五年某月日，葬於道州永明縣之紫微岡。曾祖諱某，祖諱某，父諱某，贈某官。母唐氏，封某縣太君，娶某氏，封某縣君。君學長於毛鄭詩左氏春秋，家貧不事生產，喜聚書，居官祿雖薄，常分俸以調宗族朋友。人有慢己者，必厚為禮以愧之。其為吏所居，皆有能政，有文集十一卷。君有子七人，曰諱，鼎州司理參軍，曰詵，湖州歸安主簿，曰謐，曰諷，曰諷，曰說，曰誼，皆未仕。嗚呼！孝非一家之行也，所以移於事君而忠，仁於宗族而睦，交於朋友而信，始於一鄉，推之四海，表於金石，示之後世而勸考君之所施者，無不可以書也。豈獨俾其子孫之不隕也哉。

靈

瘿瘡也

連

今廣東連縣

衡

今湖南衡陽縣

桂州

見韓退之河清郡公房公墓碣銘

高安

今江西高安縣

寧化

今福建寧化縣

饒州

見資政殿學士文
正范公神道碑銘

鼎州

今湖南常德縣

歸安

今浙江吳興縣

歐陽永叔石曼卿墓表

用列傳體
上世幽州
叙來歷即
用爲借徑
趁幽州入
手氣豪二
字一篇大
致其負奇
好非常者
豪士之宿
習其不合
而自放者
豪士之下
場此處總
挈後皆不
出乎此
叙歷官看
一路點逗
曰不肯就
曰矍然起
曰固止之
乃已亦是
負奇難合
神理

方侍郎云章法極變化語亦不蔓

曼卿諱延年。姓石氏。其上世爲幽州人。幽州入於契丹。其祖自成。始以其族間走南歸。天子嘉其來。將祿之。不可。乃家於宋州之宋城。父諱補之。官至太常博士。幽燕俗勁武。而曼卿少亦以氣自豪。讀書不治章句。獨慕古人奇節。偉行非常之功。視世俗屑屑。無足動其意者。自顧不合於時。乃一混於酒。然好劇飲。大醉。頽然自放。繇是益與時不合。而人之從其遊者。皆知愛曼卿。落落可奇。而不知其才之有以用也。年四十八。康定二年二月四日。以太子中允祕閣校理卒於京師。曼卿少舉進士。不第。眞宗推恩。三舉進士。皆補奉職。曼卿初不肯就。張文節公素奇之。謂曰。母老。乃擇祿邪。曼卿矍然起就之。遷殿直。久之。改太常寺太祝。知濟州金鄉縣。歎曰。此亦可以爲政也。縣有治聲。通判乾寧軍。丁母永安縣君李氏憂。服除。通判永靜軍。皆有能名。充館閣校勘。累遷大理寺丞。通判海州。還爲校理。莊獻明肅太后臨朝。曼卿上書。請還政天子。其後太后崩。范諷以言見幸。引嘗言太后事者。遽得顯官。欲引曼卿。曼卿固止之。乃已。自契丹通中國。德明盡有河南而臣屬。遂務休兵養息。天

此抽叙籍
鄉兵一事
以見自負
之概

此處筆帶
回護

此下收繳

當意無幾
應難合
帶及文章
直借繳篇
首氣象
用論贊體
結之
自負難合
等字低回
跌宕首尾
一氣呵成
作三四折
忽折到不

下晏然。內外弛武三十餘年。曼卿上書言十事。不報。已而元昊反。西方用兵。始思其言。召見。稍用其說。籍河北河東陝西之民。得鄉兵數十萬。曼卿奉使籍兵河東還。稱旨。賜緋衣銀魚。天子方思盡其才。而且病矣。既而聞邊將有欲以鄉兵捍賊者。笑曰。此得吾粗也。夫不教之兵。勇怯相雜。若怯者見敵而動。則勇者亦率以潰矣。今或不暇教。不若募其敢行者。則人人皆勝兵也。其視世事蔑若不足爲。及聽其設施之方。雖精思深慮。不能過也。狀貌偉然。喜酒自豪。若不可繩以法度。退而質其平生趣舍大節。無一悖於理者。遇人無賢愚。皆盡忻懽。及可否天下是非善惡。當其意者無幾人。其爲文章。勁健稱其意氣。有子濟滋。天子聞其喪。官其一子。使祿其家。既卒之三十七日。葬於太清之先塋。其友歐陽修表於其墓曰。嗚呼。曼卿甯自混以爲高。不少屈以合世。可謂自重之士矣。士之所負者愈大。則其自顧也愈重。自顧愈重。則其合愈難。然欲與共大事。立奇功。非得難合自重之士。不可爲也。古之魁雄之人。未始不負高世之志。故甯或毀身汚迹。卒困於無聞。或老且死而幸一遇。猶克少施於世。若曼卿者。非徒與世難合。而不克所施。亦其不幸。不得至乎。

壽太息中有含意

世系籍貫

以鄧戴主說鄧是賓伏

公與鄧同道為朋見關係之切後不道前事愈覺高尚

中壽其命也夫其可哀也夫

註釋

宋州

今安徽太和縣

康定

宋仁宗年號

張文節公

名知白字用晦滄州清池人

金鄉縣

宋屬濟州今屬山東濟寧道

莊

獻明肅太后

姓劉氏真宗后

歐陽永叔永春縣令歐君墓表

君諱慶字貽孫姓歐氏其上世為韶州曲江人後徙均州之鄖鄉又徙襄州

之穀城乾德二年分穀城之陰城鎮為乾德縣建光化軍歐氏遂為乾德人

修嘗為其縣令問其故老鄉閭之賢者皆曰有三人焉其一人曰太傅贈太

師中書令鄧文懿公其一人曰尚書屯田郎中戴國忠其一人曰歐君也三

人者學問出處未嘗一日不同其忠信篤於朋友孝悌稱於宗族禮義達於

鄉閭乾德之人初未識學者見此三人皆尊禮而愛親之既而皆以進士舉

於鄉而君獨黜於有司後二十年始以同三禮出身為潭州湘潭主簿陳州

司法參軍監考城酒稅遷彭州軍事推官知泉州永春縣事而鄧公已貴顯

於朝君尚為州縣吏所至上官多鄧公故舊君絕口不復道前事至終其去

不知君為鄧公友也君為吏廉貧宗族之孤幼者皆養於家居鄉里有訟者

稱公亦拾
高二人身
分從同字
跌出異字
來

窮達相形
而懼窮者
之無述此
等文字足
以發潛德
之幽光矣

直叙贈職

世系及自
己官職

多就君決曲直。得一言遂不復爭。人至於今傳之。嗟夫。三人之爲道。無所不
同。至其窮達何其異也。而三人者。未嘗有動於其心。雖乾德之人稱三人者。
亦不以貴賤爲異。則其幸不幸。豈足爲三人者道哉。然而達者昭顯於一時。
而窮者泯沒於無述。則爲善者何以勸。而後世之來者。何以考德於其先。故
表其墓以示其子孫。君有子世英。爲鄧城縣令。世勸舉進士。君以天聖七年
卒。享年六十有四。葬乾德之西北廣節山之原。

註釋

曲江

宋縣。屬韶州。今廣東嶺南道曲江縣。

鄖鄉

宋縣。屬均州。今湖北襄陽道鄖鄉縣。

穀城

宋縣。屬襄州。今亦屬襄陽道。

乾德

宋太祖年號。

乾德縣

今湖北光化縣西。

湘潭

宋縣。屬潭州。今屬湖南湘江道。

陳州

今河南淮陽縣。

考城

今河南考城縣。

彭州

今四川彭縣。

永春

宋縣。屬泉州。

州。今福建廈門道永春縣。

鄧城

今河南鄧縣。

天聖

見蘇氏文集序。

歐陽永叔右班殿直贈右羽林軍將軍唐君墓表

嘉祐四年冬。天子既受祫享之福。推恩羣臣。並進爵秩。既又以及其親。若在
若亡。無有中外遠邇。於是天章閣待制尚書戶部員外郎唐君。得贈其皇考
驍衛府君爲右羽林將軍。府君諱拱。字某。其先晉原人。後徙爲錢塘人。曾祖
諱休復。唐天復中舉明經。爲建威軍節度推官。祖諱仁恭。仕吳越王爲唐山

疊叙贈職
以見其子
之賢

揭明卒葬

縣令累贈諫議大夫父諱謂官至尙書職方郎中累贈禮部尙書府君以父
蔭補太廟齋郎改三班借職再遷右班殿直監舒州孔城鎮澧州酒稅巡檢
秦州鹽場漳州兵馬監押乾興元年七月某日以疾卒於官享年四十有六
府君孝悌於其家信義於其朋友廉讓於其鄉里其居於官名公鉅人皆以
爲材而未及用也享年不永君子哀之有子曰介字子方舉進士皇祐中嘗
爲御史以言事切直貶春州別駕當是時子方之風竦動天下已而天子感
悟貶未至而復用之今列侍從居諫官自子方爲祕書丞始贈府君爲太子
右清道率府率其爲尙書主客員外郎殿中侍御史裏行又贈府君爲右監
門衛將軍其爲尙書工部員外郎直集賢院權開封府判官又贈府君爲右
屯衛將軍其遷戶部員外郎河東轉運使又贈府君爲驍衛將軍蓋自登於
朝以至榮顯遇天子有事於天地宗廟推恩必及焉府君初娶博陵崔氏贈
仙遊縣太君後娶崔氏贈清河縣太君皆衛尉卿仁冀之女生一男介也五
女長適太子中舍盧圭次適歐陽昊早卒次適橫州推官高定次適進士陸
平仲次適著作佐郎陳起慶歷三年八月某日以府君及二夫人之喪合葬

表墓之時
日與贈字
相應

朝廷推恩
潛德必發
歸結到子
之能顯揚

教孝主意

有待二字
攝全神
太夫人入
局
下以大夫
人口訓為
皇考行述
父因母顯
母受父成
而叙言即

於江陵龍山之東原。後十有七年。廬陵歐陽修表於其墓曰。嗚呼。余於此見朝廷所以褒寵勸勵臣子之意。豈不厚哉。又以見士之為善者。雖湮沒幽鬱。其潛德隱行。必有時而發。而遲速顯晦。在其子孫。然則為人之子者。其可不自勉哉。蓋古之為子者。祿不逮養。則無以及其親矣。今之為子者。有克自立。則尚有榮名之寵焉。其所以教人之孝者。篤於古也深矣。子方進用於時。其所以榮其親者。未知其止也。姑立表以待焉。

註釋

嘉祐 見胡先 嘉祐 合於太祖之廟祭之也 錢塘 見蘇子瞻 表忠觀碑 天復 唐昭宗 年號 吳越王 錢

唐山縣 今直隸 唐山縣 秦州 今江蘇 秦縣 漳州 今福建 龍溪縣 乾興 宋真宗 年號 皇祐 見蘇子由元 祐會計錄序 春州 今廣東 陽春縣

歐陽永叔瀧岡阡表

嗚呼。惟我皇考崇公。卜吉于瀧岡之六十年。其子修始克表於其阡。非敢緩也。蓋有待也。修不幸生四歲而孤。太夫人守節自誓。居窮自力於衣食。以長以教。俾至於成人。太夫人告之曰。汝父為吏廉而好施與。喜賓客。其俸祿雖薄。常不使有餘。曰。毋以是為我累。故其亡也。無一瓦之覆。一壠之植。以庇而為生。吾何恃而能自守耶。吾於汝父。知其一二。以有待於汝也。自吾為汝家

是叙數面
而周決後
能養有後
雙提
一申能養

一申有後

回顧一接
神來

收束凝練
即拖醒教
字
下補叙
一表崇公

婦不及事吾姑。然知汝父之能養也。汝孤而幼。吾不能知汝之必有立。然知汝父之必將有後也。吾之始歸也。汝父免於母喪。方逾年。歲時祭祀。則必涕泣曰。祭而豐。不如養之薄也。間御酒食。則又涕泣曰。昔常不足。而今有餘。其何及也。吾始一二見之。以爲新免於喪。適然耳。既而其後常然。至其終身。未嘗不然。吾雖不及事姑。而以此知汝父之能養也。汝父爲吏。嘗夜燭治官書。屢廢而嘆。吾問之。則曰。此死獄也。我求其生不得。爾。吾曰。生可求乎。曰。求其生而不得。則死者與我皆無恨也。矧求而有得耶。以其有得。則知不求而死者有恨也。夫常求其生。猶失之死。而世常求其死也。回顧乳者抱汝而立於旁。因指而嘆曰。術者謂我歲行在戌。將死。使其言然。吾不及見兒之立也。後當以我語告之。其平居教他子弟。常用此語。吾耳熟焉。故能詳也。其施於外事。吾不能知。其居於家。無所矜飾。而所爲如此。是真發於中者耶。嗚呼。其心厚於仁者邪。此吾知汝父之必將有後也。汝其勉之。夫養不必豐。要於孝。利雖不得。博於物。要其心之厚於仁。吾不能教汝。此汝父之志也。修泣而志之。不敢忘。先公少孤。力學。咸平三年。進士及第。爲道州判官。泗縣二州推官。又

仕宦卒葬

一表太夫人族姓封

就祿養年中夾叙自身歷官即是詳子系之法

命叙三世錫

細觀收局有禮制正與有待一貫統束累世一層

百不備錄家語言

爲泰州判官。享年五十有九。葬沙溪之瀧岡。太夫人姓鄭氏。考諱德儀。世爲江南名族。太夫人恭儉仁愛而有禮。初封福昌縣太君。進封樂安安康彭城三郡太君。自其家少微時。治其家以儉約。其後常不使過之。曰。吾兒不能苟合於世。儉薄所以居患難也。其後修貶夷陵。太夫人言笑自若。曰。汝家故貧賤也。吾處之有素矣。汝能安之。我亦安矣。自先公之亡二十年。修始得祿而養。又十有二年。列官於朝。始得贈封其親。又十年。修爲龍圖閣直學士。尙書吏部郎中。留守南京。太夫人以疾終於官舍。享年七十有二。又八年。修以非才入副樞密。遂參政事。又七年而罷。自登二府。天子推恩褒其三世。蓋自嘉祐以來。逢國大慶。必加寵錫。皇曾祖府君。累贈金紫光祿大夫。太師。中書令。曾祖妣。累封楚國太夫人。皇祖府君。累贈金紫光祿大夫。太師。中書令。兼尙書令。祖妣。累封吳國太夫人。皇考崇公。累贈金紫光祿大夫。太師。中書令。兼尙書令。皇妣。累封越國太夫人。今上初郊。皇考賜爵爲崇國公。太夫人進號魏國。於是小子修泣而言曰。嗚呼。爲善無不報。而遲速有時。此理之常也。惟我祖考。積善成德。宜享其隆。雖不克有於其躬。而賜爵受封。顯榮褒大。實有

仍專歸考
妣 有待字
繳體要

三朝之錫命是足以表見於後世而庇賴其子孫矣乃列其世譜具刻於碑
既又載我皇考崇公之遺訓太夫人之所以教而有待於修者並揭於阡俾
知夫小子修之德薄能鮮遭時竊位而幸全大節不辱其先者其來有自熙
甯三年歲次庚戌四月辛酉朔十有五日乙亥男推誠保德崇仁翊戴功臣
觀文殿學士特進行兵部尚書知青州軍州事兼管內勸農使充京東東路
安撫使上柱國樂安郡開國公食邑四千二百戶食實封一千二百戶修表

註釋

崇公

修父封崇國公

瀧岡

瀧音雙瀧岡在今江西永豐縣

官書

治獄之讞書也

咸平

見蘇子由元祐會計錄序

道州

今湖南道縣

判官

宋初宰相出典州曰判其後州省置判遂通稱判官

泗

今安徽泗縣

綿

今四川綿陽縣

泰州

見右班殿直魁右羽林軍將軍唐君墓表

福昌縣

今河南宜陽縣

地

樂安

今安徽霍山縣

安康

今陝西漢陰縣

彭城

見蘇子瞻徐州上皇帝書

夷陵

見與尹師魯書

龍圖閣直學士

宋官掌制誥等

南

見蘇子瞻

京

宋南京今河南商邱縣

金紫

章服也唐以三品以上衣紫加金玉帶

初郊

郊祭天初登極之初也

三朝

仁宗英宗神宗

熙寧

見蘇子瞻上皇帝書

虛銜

知

實官曰行

上柱國

宋制勳官之最尊者為上柱國

古文辭類纂評註卷四十五終

碑誌類下編六

古文辭類纂評註卷四十六

桐城姚鼐纂集

歐陽永叔黃夢升墓誌銘

富人所難

文章意氣
並提是此
篇之骨

音節之美
句句可歌

悲壯
承意氣

予友黃君夢升。其先婺州金華人。後徙洪州之分甯。其曾祖諱元吉。祖諱某。父諱中雅。皆不仕。黃氏世為江南大族。自其祖父以來。素以家貲賑鄉里。多聚書以招延四方之士。夢升兄弟皆好學。尤以文章意氣自豪。予少家隨州。夢升從其兄茂宗官於隨。予為童子。立諸兄側。見夢升年十七八。眉目明秀。善飲酒談笑。予雖幼。心已獨奇夢升。後七年。予與夢升皆舉進士於京師。夢升得丙科。初任興國軍永興主簿。怏怏不得志。以疾去。久之復調江陵府公安主簿。時予謫夷陵令。遇之於江陵。夢升顏色憔悴。初不可識。久而握手噓噓。相飲以酒。夜醉起舞歌呼。大噓。予益悲。夢升志雖衰。而少時意氣尚在也。後二年。予徙乾德令。夢升復調南陽主簿。又遇之於鄧間。嘗問其平生所為文章。幾何。夢升慨然歎曰。吾已諱之矣。窮達有命。非世之人不知我。我羞道於世人也。求之不肯出。遂飲之酒。復大醉。起舞歌呼。因笑曰。子知我者。乃肯

傳出豪氣
未除愈見
可悲
承文章

世但知前
兩段凄苦
豈知此處
更悲真史
公手筆

雖用夢升
詞而益以
數言便覺
可悲
結悲字

古文辭類纂評註

出其文讀之博辨雄偉意氣奔放若不可禦予又益悲夢升志雖困而文章未衰也是時謝希深出守鄧州尤喜稱道天下士予因手書夢升文一通欲以示希深未及而希深卒予亦去鄧後之守鄧者皆俗吏不復知夢升夢升素剛不苟合負其所有常怏怏無所施卒以不得志死於南陽夢升諱注以寶元二年四月二十五日卒享年四十有二其平生所為文曰破碎集公安集南陽集凡三十卷娶潘氏生四男二女將以慶歷四年某月某日葬於董坊之先塋其弟滑泣而來告曰吾兄患世之莫吾知孰可為其銘予素悲夢升者因為之銘曰

予嘗讀夢升之文至於哭其兄子庠之詞曰子之文章電激雷震雨雹忽止闐然滅泯未嘗不諷誦歎息而不已嗟夫夢升曾不及庠不震不驚鬱塞埋藏孰予其有不使其施吾不知所歸咎徒為夢升而悲

註釋

金華

今浙江金華縣

分寧

宋縣屬洪州今江西修水縣

隨州

見蘇代約燕昭王

永興

今湖北永興縣

怏怏

悵也情不滿足也

公安

今湖北公安縣

夷陵

見與尹師魯書

江陵

見曾子固贈黎安二生序

噓噓

歎辭

乾德

見永春縣令歐君墓表

南陽

見張儀司馬錯諫伐蜀

鄧

見王介甫兵部知制誥謝公行狀

謝希深

名絳富陽人

寶元慶歷

並宋仁宗年號

先生作誌
版工於提
曰平其善
友曰可哀
全篇在握

首述平生
朋友兼帶
謝張諸人
便增得文
酒高會多
態少與寄色

次寫到可
哀仍用張
謝挑起人
前帶二語
之故爲銘
先已得銘
益纏得哀
字深酷
家世

歐陽永叔張子野墓誌銘

吾友張子野既亡之二年。其弟充以書來請曰。吾兄之喪。將以今年三月某日葬於開封。不可以不銘。銘之莫如子宜。嗚呼。予雖不能銘。然樂道天下之善以傳焉。況若吾子野者。非獨其善可銘。又有平生之舊。朋友之恩。與其可哀者。皆宜見於予文。宜其來請於予也。初天聖九年。予爲西京留守。推官是時。陳郡謝希深。南陽張堯夫。與吾子野。尙皆無恙。於時一府之士。皆魁傑賢豪。日相往來。飲酒懽呼。上下角逐。爭相先後。以爲笑樂。而堯夫子野退然其間。不喜聲色。衆皆指爲長者。予時尙少。心壯志得。以爲洛陽東西之衝。賢豪所聚者。多爲適然耳。其後去洛來京師。南走夷陵。並江漢。其行萬三四千里。山阻水厓。窮居獨遊。思從曩人。邈不可得。然雖洛人至今。皆以謂無如嚮時之盛。然後知世之賢豪不常聚。而交遊之難得爲可惜也。初在洛時。已哭堯夫而銘之。其後六年。又哭希深而銘之。今又哭吾子野而銘。於是又知非徒相得之難。而善人君子欲使幸而久在於世。亦不可得。嗚呼。可哀也已。子野之世。曰贈太子太師諱某。曾祖也。宣徽北院使樞密副使累贈尙書令諱遜。

特詳貴姻世仕正以顯其清操好學之難得是所謂其善可銘者

歷官

子姓妻封總束其善可銘

兜轉可哀結

玩前不自得句及此外物哉句子野或有不善攝處

皇祖也。尚書比部郎中諱敏中。皇考也。曾祖妣李氏。隴西郡夫人。祖妣宋氏。昭化郡夫人。孝章皇后之妹也。妣李氏。永安縣太君。子野家聯后姻。世久貴仕。而被服操履。甚於寒儒。好學自力。善筆札。天聖二年舉進士。歷漢陽軍司理參軍。開封府咸平主簿。河南法曹參軍。王文康公錢思公謝希深與今參知政事宋公咸薦其能。改著作佐郎。監鄭州酒稅。知閩州閩中縣。就拜祕書丞。秩滿。知亳州鹿邑縣。寶元二年二月丁未。以疾卒於官。享年四十有八。子仲。郊社掌坐。次從。次幼。未名。女五人。一適人矣。妻劉氏。長安縣君。子野為人。外雖愉怡。中自刻苦。遇人渾渾。不見圭角。而志守端直。臨事果決。平居酒半。脫冠垂頭。童然秃且白矣。予固已悲其早衰。而遂止於此。豈其中亦有不自得者耶。子野諱先。其上世博州高堂人。自曾祖已來。家京師。而葬開府。今為開封人也。銘曰。

嗟夫子野。質厚材良。孰屯其亨。孰短其長。豈其中有不自得而外物有以戕。開封之原。故里之鄉。三世於此。其歸其藏。

註釋

開封

見資政殿學士文正范公神道碑銘

天聖

見蘇氏文集序

陳郡

今河南淮陽縣治

王文康公

名曙字晦叔河南人

錢思

公名惟續字希聖 硯音琅土山 閬中縣今四川 鹿邑縣今河南 童年老頂

歐陽永叔尹師魯墓誌銘

一起百鍊

文學議論
材能是寶
忠義是主

申上文學
申上議論
申上材能

處窮達臨
禍福如此

此全以節
言

師魯河南人。姓尹氏。諱洙。然天下之士。識與不識。皆稱之曰師魯。蓋其名重當世。而世之知師魯者。或推其文學。或高其議論。或多其材能。至其忠義之節。處窮達。臨禍福。無愧於古君子。則天下之稱師魯者。未必盡知之。師魯為文章。簡而有法。博學強記。通知古今。長於春秋。其與人言。是是非非。務窮盡道理。乃已。不為苟止而妄隨。而人亦罕能過也。遇事無難易。而勇於敢為。其所以見稱於世者。亦所以取嫉於人。故其卒窮以死。師魯少舉進士及第。為絳州正平縣主簿。河南府戶曹參軍。邵武軍判官。舉書判拔萃。遷山南東道掌書記。知伊陽縣。王文康公薦其才。召試。充館閣校勘。遷太子中允。天章閣待制。范公貶饒州。諫官御史不肯言。師魯上書言。仲淹。臣之師。願得俱貶。貶監郢州酒稅。又徙唐州。遭父喪。服除。復得太子中允。知河南縣。趙元昊反。陝西用兵。大將葛懷敏奏起為經畧判官。師魯雖用懷敏辟。而尤為經畧使韓公所深知。其後諸將敗於好水。韓公降知秦州。師魯亦徙通判濠州。久之。韓

材能未必
盡知則忠
義之節益
不能知矣
追叙

全以節言

總束見師
魯所遭之
窮如聽斷
峽猿鳴也

公奏得通判秦州。遷知涇州。又知渭州。兼涇原路經畧部署。坐城水洛。與邊將異議。徙知晉州。又知潞州。爲政有惠愛。潞州人至今思之。累遷官。至起居舍人。直龍圖閣。師魯當天下無事時。獨喜論兵。爲敘燕息戍二篇。行於世。自西兵起。凡五六歲。未嘗不在其間。故其論議益精密。而於西事尤習其詳。其爲兵制之說。述戰守勝敗之要。盡當今之利害。又欲訓土兵。代戍卒。以減邊用。爲禦戎長久之策。皆未及施爲。而元昊臣。西兵解嚴。師魯亦去而得罪矣。然則天下之稱師魯者。其於材能亦未必盡知之也。初師魯在渭州。將吏有違其節度者。欲按軍法斬之。而不果。其後吏至京師。上書訟師魯。以公使錢貸部。將貶崇信軍節度副使。徙監均州酒稅。得疾。無醫藥。昇至南陽。求醫。疾革。憑几而坐。顧稚子在前。無甚憐之色。與賓客言。終不及其私。享年四十有六。以卒。師魯娶張氏。某縣君。有兄源。字子漸。亦以文學知名。前一歲卒。師魯凡十年間。三貶官。喪其父。又喪其兄。有子四人。連喪其二。女一適人。亦卒。而其身終以貶死。一子三歲。四女未嫁。家無餘資。客其喪於南陽。不能歸。平生故人。無遠邇。皆往賻之。然後妻子得以其柩歸河南。以某年某月某日葬於

先塋之次。余與師魯兄弟交。嘗銘其父之墓矣。故不復次其世家焉。銘曰。藏之深。固之密。石可朽。銘不滅。

註釋 正平縣今山西新絳縣 伊陽縣今河南伊陽縣 王文康公見張子野墓誌銘 饒州見資政殿學士文正范公神道碑銘 師

魯上書言洙上疏曰。仲淹忠亮有素。臣與之義兼師友。則是仲淹之黨也。臣不可苟免。呂夷簡怒。斥監鄆州酒稅。 郢州見與尹師魯書 唐州今河南南陽縣 趙

元昊一名曩霄。小字嵬理。 葛懷敏真定人。 好水今名甜水河。在甘肅隆德縣東。源出六盤山。 秦州今甘肅天水縣。

濠州今安徽鳳陽縣。 涇州今甘肅涇川縣。 渭州今甘肅平涼縣。 晉州今直隸晉縣。 潞州今山西長治縣。 均州今湖北均縣北。

歐陽永叔。徠徠先生墓誌銘。

方侍郎云。筆陣酣恣。辭繁而不懈。

徠徠先生。姓石氏。名介。字守道。兗州奉符人也。徠徠魯東山。而先生非隱者也。其仕嘗位於朝矣。魯之人不稱其官。而稱其德。以為徠徠魯之望。先生魯人之所尊。故因其所居山。以配其有德之稱。曰徠徠先生者。魯人之志也。先生貌厚而氣完。學篤而志大。雖在畎畝。不忘天下之憂。以謂時無不可為。為之無不至。不在其位。則行其言。吾言用。功利施於天下。不必出乎己。吾言不用。雖獲禍咎。至死而不悔。其遇事發憤。作為文章。極陳古今治亂成敗。以指

地望德望。只沾名稱。四字生情。而先生事行。已自兩蓋。入叙事略。舉志槩籠。起。特為聖德詩先作一。

番空筆先
生此事關
係賢姦進
退禍機倚
伏也

以上總屬
提局
入正叙先
述此系次
述歷官

帶逗徂徠

實叙作聖
德詩事與
前空筆相
應處篇以
激昂為最
立教為師
是其一生
本色正徂

切當世賢愚善惡。是是非非。無所諱忌。世俗頗駭其言。繇是謗議喧然。而小人尤嫉惡之。相與出力必擠之死。先生安然不惑不變。曰。吾道固如是。吾勇過孟賁矣。不幸遇疾以卒。既卒。而姦人有欲以奇禍中傷大臣者。猶指先生以起事。謂其詐死而北走契丹矣。請發棺以驗。賴天子仁聖察其誣。得不發棺而保全其妻子。先生世為農家。父諱丙。始以仕進。官至太常博士。先生年二十二。舉進士甲科。為鄆州觀察推官。南京留守推官。御史臺辟主簿。未至。以上書論赦。罷不召。秩滿。遷某軍節度掌書記。代其父官於蜀。為嘉州軍事判官。丁內外艱。去官。垢面跣足。躬耕徂徠之下。葬其五世未葬者七十。喪服除。召入國子監直講。是時。兵討元昊久無功。海內重困。天子奮然。思欲振起威德。而進退二三大臣。增置諫官御史。所以求治之意甚銳。先生躍然喜曰。此盛事也。雅頌吾職。其可已乎。乃作慶歷聖德詩。以褒貶大臣。分別邪正。累數百言。詩出。太山孫明復曰。子禍始於此矣。明復先生之師友也。其後所謂奸人作奇禍者。乃詩之所斥也。先生自閒居徂徠。後官於南京。嘗以經術教授。及在太學。益以師道自居。門人弟子從之者甚眾。太學之興。自先生始。其

後之稱所
由起
統敘著述

忠信者實
踐此仁義
之謂

行已教人
二句分束

簡朗

又申暢其

志概配應
篇項

結到君子
察之與小

人中傷對

照

補完官位

享年仍帶

逗徂徠

隨借哭詩

之詞搖曳

起作銘

觸手文生

所爲文章曰某集者若干卷曰某集者若干卷其斥佛老時文則有怪說中
國論曰去此三者然後可以有爲其戒姦臣宦女則有唐鑑曰吾非爲一世
監也其餘喜怒哀樂必見於文其辭博辨雄偉而憂思深遠其爲言曰學者
學爲仁義也惟忠能忘其身惟篤於自信者乃可以力行也以是行於己亦
以是教於人所謂堯舜禹湯文武周公孔子孟軻揚雄韓愈氏者未嘗一日
不誦於口思與天下之士皆爲周孔之徒以致其君爲堯舜之君民爲堯舜
之民亦未嘗一日少忘於心至其違世驚衆人或笑之則曰吾非狂癡者也
是以君子察其行而信其言推其用心而哀其志先生直講歲餘杜祁公薦
之天子拜太子中允今丞相韓公又薦之乃直集賢院又歲餘始去太學通
判濮州方待次於徂徠以慶歷五年七月某日卒於家享年四十有一友人
廬陵歐陽修哭之以詩以謂待彼謗焰熄然後先生之道明矣先生既沒妻
子凍餒不自勝今丞相韓公與河陽富公分俸買田以活之後二十一年其
家始克葬先生於某所將葬其子師訥與其門人姜潛杜默徐遁等來告曰
謗焰熄矣可以發先生之光矣敢請銘某曰吾詩不云乎子道自能久也何

筆筆收照
而多姿

特為中傷
慨慰致氣
感頌同聲之

專一經
以石介為

線索歸女
承相就見

固是盛舉
終以石介

重以事亦
叙次翔舞

必吾銘遁等曰雖然魯人之欲也乃為之銘曰

徂徠之巖巖與子之德兮魯人之所瞻汶水之湯湯與子之道兮逾遠而彌長道之難行兮孔孟亦云遑遑一世之屯兮萬世之光曰吾不有命兮安在夫桓魋與臧倉自古聖賢皆然兮噫子雖毀其何傷

註釋

吠畝

一畝中廣尺深尺曰吠疏通流注也二百四十方步曰畝方步縱橫各五尺也

姦人

指夏

鄆州

今山東鄆城縣

嘉州

今四川樂山縣

明復

名杜

杜祁公

今山東

濮州

今山東

慶曆

見資政殿學士文

桓魋

宋大夫向魋也孔子適宋司

馬魋欲殺孔子孔子去至陳

臧倉

魯平公嬖人平公將見孟子臧倉沮之孟子曰吾之不遇魯侯天也臧氏之子安能使我子不遇哉

歐陽永叔孫明復先生墓誌銘

先生諱復字明復姓孫氏晉州平陽人也少舉進士不中退居泰山之陽學春秋著尊王發微魯多學者其尤賢而有道者石介自介而下皆以弟子事之先生年踰四十家貧不娶李丞相迪將以其弟之女妻之先生疑焉介與羣弟子進曰公卿不下士久矣今丞相不以先生貧賤而欲託以子是高先生之行義也先生宜因以成丞相之賢名於是乃許孔給事道輔為人剛直嚴重不妄與人聞先生之風就見之介執杖履侍左右先生坐則立升降拜

筆筆史記

由是始識
師弟子句
轉得緊

秋案
伏後治春

仕止

卒葬

專表其有
功春秋

則扶之及其往謝也亦然魯人既素高此兩人由是始識師弟子之禮莫不
嗟歎之而李丞相孔給事亦以此見稱於士大夫其後介爲學官語於朝曰
先生非隱者也欲仕而未得其方也慶曆二年樞密副使范仲淹資政殿學
士富弼言其道德經術宜在朝廷召拜校書郎國子監直講常召見邇英閣
說詩將以爲侍講而嫉之者言其講說多異先儒遂止七年徐州人孔直溫
以狂謀捕治索其家得詩有先生姓名坐貶監處州商稅徙泗洲又徙知河
南長水縣簽署應天府判官公事通判陵州翰林學士趙概等十餘人上言
孫某行爲世法經爲人師不宜棄之遠方乃復爲國子監直講居三歲以嘉
祐二年七月二十四日以疾卒於家享年六十有六官至殿中丞先生在太
學時爲大理評事天子臨幸賜以緋衣銀魚及聞其喪惻然予其家錢十萬
而公卿大夫朋友太學之諸生相與弔哭賻治其喪於是以其年十月二十
七日葬先生於鄆州須城縣盧泉鄉之北扈原先生治春秋不惑傳註不爲
曲說以亂經其言簡易明於諸侯大夫功罪以考時之盛衰而推見王道之
治亂得於經之本義爲多方其病時樞密使韓琦言之天子選書吏給紙筆

命其門人祖無擇就其家得其書十有五篇錄之藏於祕閣先生一子大年尚幼銘曰

聖既歿經更載焚遷藏脫亂僅傳存衆說乘之汨其原怪迂百出雜偽真後生牽卑習前聞有欲患之寡攻羣往往止燎以膏薪有勇夫子闢浮雲刮磨蔽飾相吐吞日月卒復光破昏博哉功利無窮垠有考其不在斯文

註釋 晉州 見尹師魯墓誌銘 泰山 今山東歷城縣東南 李丞相迪 字復古其先趙郡人後徙幽州 孔給事道輔 字原魯孔子四

十五世孫 徐州 今江蘇銅山縣 坐貶監處州商稅 處州今浙江麗水縣按宋史作處州今江西贛州 泗州 見龍岡阡表 長水

縣 今河南兗州府 陵州 今四川仁壽縣 賻 音附以財助喪儀曰賻 須城縣 今山東東平縣 祖無擇 字擇之上蔡人

歐陽永叔太常博士尹君墓誌銘

君諱源字子漸姓尹氏與其弟洙師魯俱有名於當世其論議文章博學強記皆有以過人而師魯好辨果於有爲子漸爲人剛簡不矜飾能自晦藏與人居久而莫知至其一有所發則人必驚伏其視世事若不干其意已而權其情僞計其成敗後多如其言其性不能容常人而善與人交久而益篤自天聖明道之間余與其兄弟交其得於子漸者如此其曾祖諱誼贈光祿少

闕韓

狀其性情直從器識伴起師魯困頓因其同也偃蹇層開作三層開合寫

此叙先世
歷官卒日

此叙在官
事蹟

史公荆軻
傳筆意欲
叙其感憤
疾卒先從
三公罷去
入手可見
一腔鬱勃
無非爲天
下計

卿祖諱文化。官至都官郎中。贈刑部侍郎。父諱仲宣。官至虞部員外郎。贈工部郎中。子漸初。以祖蔭補三班借職。稍遷右班殿直。天聖八年。舉進士。及第。爲奉禮郎。累遷太常博士。歷知芮城。河陽二縣。簽署孟州判官事。又知新鄭縣。通判涇州。慶州。知懷州。以慶歷五年三月十四日卒於官。趙元昊寇邊。圍定州堡。大將葛懷敏發涇原兵救之。君遺懷敏書曰。賊舉其國而來。其利不在城堡。而兵法有不得而救者。且吾軍畏法。見敵必赴。而不計利害。此其所以數敗也。宜駐兵瓦亭。見利而後動。懷敏不能用其言。遂以敗死。劉渙知滄州。杖一卒不服。渙命斬之。以聞。坐專殺。降知密州。君上書爲渙論直。得復知滄州。范文正公常薦君材。可以居館閣。召試。不用。遂知懷州。至期月大治。是時天子用范文正公。與今觀文殿學士富公。武康軍節度使韓公。欲更置天下事。而權倖小人不便。三公皆罷去。而師魯與時賢士多被誣枉得罪。君歎息憂悲發憤。以謂生可厭而死可樂也。往往被酒。哀歌泣下。朋友皆竊怪之。已而以疾卒。享年五十。至和元年十有二月十三日。其子材葬君於河南府壽安縣甘泉鄉龍洲里。其平時所爲文章六十篇。皆行於世。男四人。曰材。植。

結亦與師
魯互勘以
應篇首

激楚良宕
妙於屈宋

誌其沒而
本其問疾
者之衆又
及弔且賻
之衆

機杼。嗚呼。師魯嘗勞其智於事物。而卒蹈憂患以窮死。若子漸者。曠然不有。累其心。而無所屈其志。然其壽考亦以不長。豈其所謂短長得失者。皆非此之謂與。其所以然者。不可得而知與。銘曰。

有韞於中。不以施。一憤樂死。其如歸。豈其志之將衰。不然。世果可嫉。其如斯。

註釋

天聖明道

皆宋仁宗年號

芮城

今山西芮城縣

河陽

今雲南河陽縣

孟州

今河南孟縣

新鄭

今河南新鄭縣

涇州

見尹師魯墓誌銘

慶州

見資政殿學士文正范公神道碑銘

懷州

今河南河內縣

瓦亭

宋碧在平涼縣。以瓦亭關名。

滄州

今直隸滄縣

密州

見蘇子瞻徐州

上皇皇帝書。至和。見曾子固范貫之奏議集序。

歐陽永叔梅聖俞墓誌銘

嘉祐五年。京師大疫。四月乙亥。聖俞得疾。臥城東汴陽坊。明日。朝之賢士大

夫往問疾者。騶呼屬路不絕。城東之人。市者廢。行者不得往來。咸驚顧相語

曰。茲坊所居大人誰邪。何致客之多也。居八日癸未。聖俞卒。於是賢士大夫

又走弔哭。如前日益多。而其尤親且舊者。相與聚而謀其後事。自丞相以下

皆有以賻恤其家。粵六月甲申。其孤增載其柩南歸。以明年正月丁丑葬於

宣州陽城鎮雙歸山。聖俞字也。其名堯臣。姓梅氏。宣州宣城人也。自其家世

以詩立案

品藻

又將其性情與詩紐合

不脫詩字

聖俞詩獨絕志稱其詩歷任不贅吏治一字此文之所以潔

頗能詩而從父詢以仕顯至聖俞遂以詩聞自武夫貴戚童兒野叟皆能道其名字雖妄愚人不能知詩義者直曰此世所貴也吾能得之用以自矜故求者日踵門而聖俞詩遂行天下其初喜為清麗閒肆平淡久則涵演深遠間亦琢刻以出怪巧然氣完力餘益老以勁其應於人者多故辭非一體至於他文章皆可喜非如唐諸子號詩人者僻固而狹陋也聖俞為人仁厚樂易未嘗忤於物至於窮愁感憤有所罵譏笑謔一發於詩然用以為驩而不怨懟可謂君子者也初在河南王文正公見其文歎曰二百年無此作矣其後大臣屢薦宜在館閣嘗一召試賜進士出身餘輒不報嘉祐元年翰林學士趙槩等十餘人列言於朝曰梅某經行修明願得留與國子諸生講論道德作為雅頌以歌詠聖化乃得國子監直講三年冬祿於太廟御史中丞韓絳言天子且親祠當更制樂章以薦祖考惟梅某為宜亦不報聖俞初以從父廕補太廟齋郎歷桐城河南河陽三縣主簿以德興縣令知建德縣又知襄城縣監湖州鹽稅簽署忠武鎮安兩軍節度判官監永濟倉國子監直講累官至尚書都官員外郎嘗奏其所撰唐載二十六卷多補正舊史闕繆乃

古文辭類纂平注

碑誌類下編六

八

一篇用意
到此結穴

命編修唐書。書成未奏而卒。享年五十有九。曾祖諱遠。祖諱邈。皆不仕。父諱讓。太子中舍致仕。贈職方郎中。母曰仙遊縣太君束氏。又曰清河縣太君張氏。初娶謝氏。封南陽縣君。再娶刁氏。封某縣君。子男五人。曰增。曰墀。曰垆。曰龜兒。一早卒。女二人。適太廟齋郎薛通。次尙幼。聖俞學長於毛詩。為小傳二十卷。其文集四十卷。注孫子十三篇。余嘗論其詩曰。世謂詩人少達而多窮。蓋非詩能窮人。殆窮者而後工也。聖俞以為知言。銘曰。不戚其窮。不困其鳴。不躓於艱。不履於傾。養其和平。以發厥聲。震越渾鎗。衆聽以驚。以揚其清。以播其英。以成其名。以告諸冥。

註釋

騶 前導與從騎皆曰騶

粵 同越

宣州 見韓退之與崔羣書

詢 官至侍讀學士。工為詩。以古遠深淡為意。間出奇巧。

對 音墜。怨也。

王文正

公 名曾字孝先。益都人。

韓絳 字子華。靈壽人。

桐城 見劉才甫樵髻傳

河南 今河南開封縣

河陽 見太常博士尹君墓碑銘

德興 今江西德興縣

建

德 今安徽建德縣

襄城 見韓退之平淮西碑

歐陽永叔湖州長史蘇君墓誌銘

故湖州長史蘇君有賢妻杜氏。自君之喪。布衣蔬食。居數歲。提君之孤子。斂其平生文章。走南京。號泣於其父曰。吾夫屈於生。猶可伸於死。其父太子太

叙其妻先
求集序後

求墓銘
得悲憤
鬱兩號
泣

叙先世官階

叙得罪之
由寫得光
明正大蓋
子美貶而
朝局一變
此君子小
人進退消
長之關非

師以告於予。予爲集次其文而序之。以著君之大節。與其所以屈伸得失。以深誚世之君子。當爲國家樂育賢材者。且悲君之不幸。其妻卜以嘉祐元年十月某日。葬君於潤州丹徒縣義里鄉檀山里石閣村。又號泣於其父曰。吾夫屈於人間。猶可伸於地下。於是杜公及君之子泌。皆以書來。乞銘以葬。君諱舜欽。字子美。其上世居蜀。後徙開封。爲開封人。自君之祖諱易簡。以文章有名。太宗時承旨翰林。爲學士。參知政事。官至禮部侍郎。父諱耆。官至工部尚書。直集賢院。君少以父廕補太廟齋郎。調滎陽尉。非所好也。已而鎖其廳去。舉進士中第。改光祿寺主簿。知蒙城縣。丁父憂。服除。知長垣縣。遷大理評事。監在京樓店務。君狀貌奇偉。慷慨有大志。少好古。工爲文章。所至皆有善政。官於京師。位雖卑。數上疏論朝廷大事。敢道人之所難言。范文正公薦君。召試。得集賢校理。自元昊反。出兵無功。而天下殆於久安。尤困兵事。天子奮然用三四大臣。欲盡革衆弊。以紓民。於是時。范文正公與今富丞相。多所設施。而小人不便。顧人主方信用。思有以撼動。未得其根。以君文正公之所薦。而宰相杜公壻也。乃以事中君。坐監進奏院祠神。奏用市故紙錢會客。爲自

特子美不幸可悲也

叙罷官後著作文字

總收

叙病卒家屬再提前案補所未及

應結全篇旨

悲咽可抗

盜除名。君名重天下。所會客皆一時賢俊。悉坐貶逐。然後中君者喜曰。吾一舉網盡之矣。其後三四大臣繼罷去。天下事卒不復施爲。君攜妻子居蘇州。買木石作滄浪亭。日益讀書。大涵肆於六經。而時發其憤懣於歌詩。至其所激。往往驚絕。又喜行草書。皆可愛。故其雖短章醉墨。落筆爭爲人所傳。天下之士聞其名而慕。見其所傳而喜。往揖其貌而竦聽其論。而驚以服。久與其居而不能捨以去也。居數年。復得湖州長史。慶曆八年十二月某日。以疾卒於蘇州。享年四十有一。君先娶鄭氏。後娶杜氏。三子。長曰泌。將作監主簿。次曰液。曰激。女二。長適前進士趙絃。次尙幼。初君得罪時。以奏用錢爲盜。無敢辨其冤者。自君卒後。天子感悟。凡所被逐之臣。復召用。皆顯列於朝。而至今無復爲君言者。宜其欲求伸於地下也。宜予述其得罪以死之詳。而使後世知其有以也。既又長言以爲之辭。庶幾并寫予之所以哀君者。其辭曰。謂爲無力兮。孰擊而去之。謂爲有力兮。胡不反子之歸。豈彼能兮。此不爲善。百譽而不進兮。一毀終世以顛擠。羌孰問兮。杳難知。嗟子之中兮。有韞而無施。文章發耀兮。星日光輝。雖冥冥以掩恨兮。宜昭昭其永垂。

註釋

丹徒縣

今屬江蘇金陵道

杜公名

易簡

字太簡

滎陽

見賈讓治河奏

蒙城

今河南商邱縣東北

長垣

今直隸長垣縣

治

以事見蘇氏文集序中君者

指王拱辰

二四大臣

繼罷去

時杜衍罷知兗州范仲淹罷知邢州富弼罷知鄆州

歐陽永叔大理寺丞狄君墓誌銘

茅順甫云逸調

所記不離
殺城前後
以修孔子
廟相呼應
作法謹嚴

以下皆著
殺城政績
債帥劊軍
債令劊民
矧自令以
上歟逆之

距長沙縣西三十里新陽鄉梅溪村有墓曰狄君之墓者。迺余所記穀城孔子廟碑所謂狄君栗者也。始君居穀城。有善政。嘗已見於余文。及其亡也。其子遵誼泣而請曰。願卒其詳而銘之。以終先君生死之賜。嗚呼。余哀狄君者。其壽止於五十有六。其官止於一卿丞。蓋其生也。以不知於世而止於是。若其歿而又無傳。則後世將遂泯沒。而為善者何以勸焉。此余之所欲銘也。君字仲莊。世為長沙人。幼孤。事母。鄉里稱其孝。好學自立。年四十始用。其兄棐。廕補英州真陽主簿。再調安州應城尉。能使其縣終君之去無一人為盜。薦者稱其材任治民。乃遷穀城令。漢旁之民。惟鄧穀為富縣。尚書銓吏。常邀厚賂以售貪令。故省中私語。以一二數之。借為奇貨。而二邑之民。未嘗得廉吏。其豪猾習以賂賄污令而為自恣。至君一切以法繩之。姦民大吏。不便君之

古文辭類纂評註

碑誌類下編六

十

者勢力較
銓吏千萬
歟
強項

就籍強壯
又出一事
規
避

應篇首

可悲可鑒

不脫穀城

政者。往往訴於其上。雖按覆。卒不能奪君所爲。其州所下文符。有不如理。必
輒封還。州吏亦切齒。求君過失。不可得。君益不爲之屈。其後民有訟田而君
誤斷者。訴之。君坐被劾。已而縣籍強壯爲兵。有告訟田之民。隱丁以規避者。
君笑曰。是嘗訴我者。彼寃民能自伸。此令之所欲也。吾豈挾此而報以罪耶。
因置之不問。縣民由是知君爲愛我。是歲西北初用兵。州縣既大籍強壯。而
訛言相驚。云驅以備邊。縣民數萬聚邑中。會秋大雨霖。米踊貴絕粒。君發常
平倉賑之。有司劾君擅發倉廩。君卽具伏。事聞。朝廷亦原之。又爲其民正其
稅籍之失。而吏得歲免破產之患。逾年。政大洽。乃修孔子廟。作禮器。與其邑
人春秋釋奠。而興於學。時余爲乾德令。嘗至其縣。與其民言。皆曰。吾邑不幸
有生而未識廉吏者。而長老之民。所記纔一人。而繼之者。今君也。問其一人
者。曰。張及也。推及之。歲至於君。蓋三十餘年。是謂一世矣。嗚呼。使民更一世
而始得一良令。吏其可不慎擇乎。君其可不惜其歿乎。其政之善者。可遺而
不錄乎。君用穀城之績。遷大理寺丞。知新州。至則丁母夫人鄭氏憂。服除。赴
京師。道病。卒於宿州。實慶曆五年七月二十四日也。曾祖諱崇謙。連州桂陽。

令祖諱文蔚全州清湘令。父諱杞不仕。君娶滎陽鄭氏。生子男二人。遵誼遵

微。皆舉進士。女四人。長適進士胡純臣。其二尚幼。銘曰：疆而仕。古之道。終中壽。不爲夭。善在人。宜有後。銘於石。著不朽。

註釋

穀城

見永春縣令歐君墓表

棗

音非。狄棗。字補之。

眞陽

今河南正陽縣北

應城

今湖北應城縣

踊貴

物賤貴踰其常值也

乾德

見永春縣令歐君墓表

新州

今陝西延長縣

宿州

今安徽宿縣

歐陽永叔蔡君山墓誌銘

片變

一敏字正
伏下面理
繁治劇

予友蔡君謨之弟曰君山。爲開封府太康主簿。時予與君謨皆爲館閣校勘。居京師。君山數往來其兄家。見其以縣事決於其府。府尹吳遵路素剛。好以嚴憚下吏。君山年少位卑。能不懼屈。而得盡其事之詳。吳公獨喜以君山爲能。余始知君山敏於爲吏。而未知其他也。明年君謨南歸。拜其親。夏。京師大疫。君山以疾卒於縣。其妻程氏一男二女皆幼。縣之人哀其貧。以錢二百千爲其賻。程氏泣曰：吾家素以廉爲吏。不可以此污吾夫。拒而不受。於是又知君山能以惠愛其縣人。而以廉化其妻妾也。君山間嘗語余曰：天子以六科策天下士。而學者以記問應對爲事。非古取士之意也。吾獨不然。乃晝夜自

回讀一句

以下皆指
其敏於爲
吏處

推究及此
死者不
含冤矣

未及享其
報惜哉

苦爲學及其亡也。君謨發其遺槩，得十數萬言，皆當世之務。其後踰年，天子與大臣講天下利害，爲條目，其所改更於君山之槩，十得其五六。於是又知君山果天下之奇才也。君山，景祐中舉進士，初爲長谿縣尉。縣媼三子漁於海而亡，媼指某氏爲仇，告縣捕賊。縣吏難之，皆曰：海有風波，豈知其不水死乎？且雖果爲仇所殺，若屍不得，則於法不可理。君山獨曰：媼色有冤，吾不可不爲理。乃陰察仇家，得其迹，與媼約曰：吾與汝宿海上，期十日不得屍，則爲媼受捕賊之責。凡宿七日，海水潮，二屍浮而至，驗之皆殺也。乃捕仇家，伏法。民有夫婦偕出，而盜殺其守舍子者。君山亟召里民畢會，環坐而熟視之，指一人曰：此殺人者也。訊之果伏。衆莫知其以何術得也。長谿人至今喜道君山事，多如此。曰：前史所載能吏，號如神明，不過此也。自天子與大臣條天下事，而屢下舉吏之法，尤欲官無大小，必得其材，方求天下能吏，而君山死矣。此可爲痛惜者也。君山諱高，享年二十有八。以某年某月某日卒，今年君謨又歸迎其親，自太康取其柩以歸，將以某年某月某日葬於某所。且謂余曰：吾兄弟始去其親而來京師，欲以仕宦爲親榮，今幸還家，吾弟獨以柩歸，甚

更可悲

矣老者之愛其子也何以塞吾親之悲子能為我銘君山乎乃為之銘曰
嗚呼吾聞仁義之行於天下也可使父不哭子老不哭幼嗟夫君山不得其
壽父母七十扶行送柩退之有言死孰為天子墓予銘其傳不朽庶幾以此
慰其父母

註釋

太康

見韓退之贈太尉許國公神道碑銘

吳遵路

丹陽人吳淑子

六科

賢良方正能直言極諫博通墳典達於教化才識兼茂明於體用詳明吏理可使

從政洞識輅略運籌決勝軍謀宏遠材任邊寄

景祐

宋仁宗年號長谿今福建霞浦縣

歐陽永叔集賢院學士劉公墓誌銘

公諱敞字仲原父姓劉氏世為吉州臨江人自其皇祖以尚書郎有聲太宗
時遂為名家其後多聞人至公而益顯公舉慶曆六年進士中甲科以大理
評事通判蔡州丁外艱服除召試學士院遷太子中允直集賢院判登聞鼓
院吏部南曹尚書考功於是夏英公既薨天子賜諡曰文正公曰此吾職也
即上疏言諡者有司之事也且竦行不應法今有司各得守其職而陛下侵
臣官疏凡三上天子嘉其守為更其諡曰文莊公曰姑可以止矣權判三司
開拆司又權度支判官同修起居注至和元年九月召試遷右正言知制誥

奉使生色

此二事公
之博學照
下無所不
通句

二議皆先
著丞相禮
官之失以
見公博通
六經傳記
照下

宦者石全彬以勞遷宮苑使領觀察使意不滿退而有愠言居三日正除觀
察使公封還辭頭不草制其命遂止二年八月奉使契丹公素知虜山川道
里虜人道自古北口迴曲千餘里至柳河公問曰自古松亭趨柳河甚直而
近不數日可至中京何不道彼而道此蓋虜人常故迂其路欲以國地險遠
誇使者且謂莫習其山川不虞公之問也相與驚顧羞媿卽吐其實曰誠如
公言時順州山中有異獸如馬而食虎豹虜人不識以問公曰此所謂駮也
爲言其形狀聲音皆是虜人益歎服三年使還以親嫌求知揚州歲餘遷起
居舍人徙知鄆州兼京東西路安撫使居數月召還糾察在京刑獄修玉牒
知嘉祐四年貢舉稱爲得人是歲天子卜以孟冬祫旣廷告丞相用故事率
文武官加上天子尊號公上書言尊號非古也陛下自寶元之郊止羣臣毋
得以請迨今二十年無所加天下皆知甚盛德奈何一旦受虛名而損實美
上曰我意亦謂當如此遂不允羣臣請而禮官前祫請耐郭皇后於廟自孝
章以下四后在別廟者請毋合食事下議議者紛然公之議曰春秋之義不
薨於寢不稱夫人而郭氏以廢薨按景祐之詔許復其號而不許其諡與耐

深慨

以上四事皆鄆州召

還後之建

白能屈衆

議為不容

之由

帶叙永興

政績

叙三州之

政績

此志順叙

揚惟追述

變作補叙

法

另提博學

文章應上

以下永興

召還後之

建白從知

遇之隆反

謂宜如詔書。又曰：禮於祫未毀廟之主，皆合食而無帝后之限。且祖宗以來用之。傳曰：祭從先祖，宜如故。於是皆如公言。公既驟屈廷臣之議，議者已多。仄目。既而又論呂溱過輕而責重，與臺諫異。由是言事者亟攻之。公知不容於時矣。會永興闕守，因而請行，即拜翰林侍讀學士。充永興軍路安撫使，兼知永興軍府事。長安多富人右族，豪猾難治，猶習故都時態。公方發大姓范偉事，獄未具而公召。由是獄屢變，連年吏不能決。至其事聞，制取以付御史臺。乃決而卒。如公所發也。公為三州皆有善政。在揚州，奪發運使冒雷占塘田數百頃予民。民至今以為德。其治鄆永興，皆承旱歉，所至必雨雪，蝗輒飛去。歲用豐稔，流亡來歸，令行民信，盜賊禁止。至路不拾遺。公於學博，自六經百氏古今傳紀，下至天文地理卜醫術數，浮屠老莊之說，無所不通。其為文章尤敏贍，嘗直紫微閣。一日，追封皇子公主九人，公方將下直，為之立馬，却坐。一揮九制，數千言，文辭典雅，各得其體。公知制詔七年，當以次遷翰林學士。久而不遷，數也。及居永興歲餘，遂以疾聞。八年八月召還，判三班院太常寺。公在朝廷遇事多所建明，如古渭州可棄，孟陽河不可開，樞密使狄青宜

跌疾卒以見其莫知爲而爲也透命字意

再以兩層作翻歸結命字總束上文

詳叙勳階以便連叙三代妻室後嗣

罷以保全之之類。皆其語在士大夫間者。若其規切人主。直言逆耳。至於從容進見。開導聰明。賢否人物。其事不聞於外廷者。其補益尤多。故雖不合於世。而特被人主之知。方嘉祐中。嫉者衆而攻之急。其雖危而得無害者。仁宗深察其忠也。及侍英宗講讀。不專章句解詁。而指事據經。因以諷諫。每見聽納。故尤奇其材。已而復得驚眩疾。告滿百日。求便郡。上曰。如劉某者。豈易得也。復賜以告。上每宴見諸學士時。時問公少間否。賜以新橙五十。勞其良苦。疾少間。復求外補。上悵然許之。出知衛州。未行。徙汝州。治平三年。召還。以疾不能朝。改集賢院學士。判南京。留司御史臺。熙甯元年四月八日卒於官舍。享年五十。嗚呼。以先帝之知公。使其不病。其所以用之者。豈一翰林學士而止哉。方公以論事忤於時也。又有構爲謗語以怒時相者。及歸自雍。丞相韓公。方欲還公學士。未及而公病。遂止於此。豈非其命也夫。公累官至給事中。階朝散大夫。勳上輕車都尉。開國彭城爵公。邑戶二千一百。實食者三百。曾祖諱璵。贈大理評事。祖諱式。尙書工部員外郎。贈戶部尙書。考諱立之。尙書主客郎中。贈工部尙書。公再娶倫氏。皆侍御史程之女。前夫人先公早卒。後

補叙公之
述為人及著

夫人以公貴累封河南郡君子男四人長定國郊社掌座早卒次奉世大理
寺丞次當時大理評事次安上太常寺太祝女三人長適大理評事韓宗直
二尚幼公既卒天子推恩錄其兩孫望旦一族子安世皆試將作監主簿公
爲人磊落明白推誠自信不爲防慮至其屢見侵害皆置而不較亦不介於
胸中居家不問有無喜調宗族既卒家無餘財與其弟攸友愛尤篤有文集
六十卷其爲春秋之說曰傳曰權衡曰說例曰文權曰意林合四十一卷又
有七經小傳五卷弟子紀五卷而七經小傳今盛行於學者二年十月辛酉
其弟攸與其子奉世等葬公於祥符縣魏陵鄉耐於先墓以來請銘乃爲之
銘曰
嗚呼惟仲原父學彊而博識敏而明坦其無疑一以誠見利如畏義必爭觸
機履險危不傾畜大不施奪其齡惟其文章粲日星雖欲有毀知莫能維古
聖賢皆後亨有如不信考斯銘

註釋

臨江

今江西清江縣

甲科

宋太宗興國時進士分三科甲登進士第者曰甲科

蔡州

今河南上蔡縣

至和

見曾子固范貫之奏議集序

石全

彬字長卿

真定人

古北口

今直隸密雲縣北百二十里兩崖壁立中有路僅容一車下有深澗巨石磊柯凡四十五里爲險絕之道亦曰虎北口

柳河

今蒙古布爾哈圖河漢名柳河

古松亭

松亭關名在今直隸遵化縣北。按宋史無古字。明史馮勝出松亭關。又劉貞等引兵出松亭關。駐沙河。攻遵化。均無古字。

駮

形似馬。身黑。二尾。一角。虎爪牙音如鼓。能食虎豹。

揚州

見曾子固先大夫集後序。

鄆州

見徂徠先生墓誌銘。

玉牒

牒譜也。玉牒皇家之譜也。

仄目

側目而視也。

范偉

偉為姦利。冒同姓。戶籍五十年。持府縣短。

長數犯法。敵窮治其事。偉伏罪。

古渭州

在今甘肅平涼縣西。時與羌人爭古渭地。仁宗問敵棄守。孰便。敵曰。殫財困民。捐士卒之命。以規小利。非計也。

孟陽河

即雷塘。

青

字漢臣。西河人。青起行伍。為樞密使。每出入。小民輒聚觀。至相與推誦其拳勇。至墜馬。足不得行。敵因請出之。以全其終。

衛州

今河南汲縣。

汝州

今河南臨汝縣。

邠

字賈父。

奉世

字仲馮。

歐陽永叔翰林侍讀學士給事中梅公墓誌銘

翰林侍讀學士給事中梅公既卒之明年。其孤及其兄之子堯臣來請銘以

葬。曰。吾叔父病且亟矣。猶臥而使我誦子之文。今其葬。宜得子銘以藏。公之

名在人耳目五十餘年。前卒一歲。予始拜公於許。公雖衰且病。其言談詞氣

尚足動人。嗟予不及見其壯也。然嘗聞長者道公咸平景德之初。一遇真宗。

言天下事合意。遂以人主為知己。當時搢紳之士。望之若不可及。已而擯斥

流離。四十年間。白首翰林。卒老一州。嗟夫。士果能自為材邪。惟世用不用爾。

故予記公終始。至於咸平景德之際。尤為詳焉。良以悲其志也。公諱詢。字昌

言。世家宣城。年二十六。進士及第。試校書郎。利豐監判官。遷將作監丞。知杭

囊括一篇大意

其聲如聞
其容如見
慷慨激烈
於以結主
上之知非
幸也

此學羅池
碑柳民旣
皆喜悅文
法

天下無事
而梅公見
疎此後皆
叙其歷官

州仁和縣。又遷著作佐郎。舉御史臺推勘官。時亦未之奇也。咸平三年。與考進士於宗政殿。真宗過殿廬中。一見以爲奇材。召試中書。直集賢院。賜緋衣銀魚。是時契丹數寇河北。李繼遷急攻靈州。天子新即位。銳於爲治。公乃上書。請以朔方授潘羅支。使自攻取。是謂以蠻夷攻蠻夷。真宗然其言。問誰可使羅支者。公自請行。天子惜之。不欲使蹈兵間。公曰。苟活靈州而罷西兵。何惜一梅詢。天子壯其言。因遣使羅支。未至而靈州沒於賊。召還。遷太常丞。三司戶部判官。數訪時事。於是屢言西北事。時邊將皆守境不能出師。公請大臣臨邊督戰。募遊兵擊賊。論曹瑋馬知節才可用。又論傅潛楊瓊敗績當誅。而田紹斌王榮等可責其效以贖過。凡數十事。其言甚壯。天子益器其材。數欲以知制詔。宰相有言不可者乃已。其後繼遷卒爲潘羅支所困。而朝廷以兩鎮授德明。德明頓首謝罪。河西平。天子亦再幸澶淵。盟契丹。而河北之兵解。天下無事矣。公旣見疎不用。初坐斷田訟失實。通判杭州。徙知蘇州。又徙兩浙轉運使。還判三司開拆司。遷太常博士。用封禪恩。遷祠部員外郎。又坐事出知濠州。以刑部員外郎爲荆湖北路轉運使。坐擅給驛馬與人奔喪而

偃蹇至晚
稍通顯而
公亦沒矣

輒運籌邊
與前相應
明公未嘗
須臾忘敵
也此其慷
慨見奇之
大者洵更
外任豈無
一二可紀
俱不列最
有法

補叙文學
及其爲人

又一反照
唏噓嗚咽

馬死奪一官。通判襄州。徙知鄂州。又徙蘇州。天禧元年。復爲刑部員外郎。陝西轉運使。靈州棄已久。公與秦州曹瑋得胡蘆河路。可出兵。無沙行之阻。而能徑趨靈州。遂請瑋居環慶。以圖出師。會瑋入爲宣徽使。不克而止。遷工部郎中。坐朱能反。貶懷州團練副使。再貶池州。天聖元年。拜度支員外郎。知廣德軍。徙知楚州。遷兵部員外郎。知壽州。又知陝府。六年。復直集賢院。又遷工部郎中。改直昭文館。知荆南府。召爲龍圖閣待制。糾察在京刑獄。判流內銓。改龍圖閣直學士。知并州。未行。遷兵部郎中樞密直學士。以往就。遷右諫議大夫。入知通進銀臺司。復判流內銓。改翰林侍讀學士。羣牧使。遷給事中。知審官院。以疾出知許州。康定二年六月某日卒於官。公好學有文。尤喜爲詩。爲人嚴毅脩潔。而材辨敏明。少能慷慨。見奇真宗。自初召試。感激言事。自以爲君臣之遇。已而失職。逾二十年。始復集賢。比登侍從。而門生故吏。曩時所舉進士。或至宰相。居大官。故其視時人。常以先生長者自處。論事尤多發憤。其在許昌。繼遷之孫復以河西叛。朝廷出師西方。而公已老。不復言兵矣。享年七十有八。以終。梅氏遠出。梅伯世久而譜不明。公之皇曾祖諱超。皇祖諱

遠皆不仕。父諱邈，贈刑部侍郎。夫人劉氏，彭城縣君子五人。長曰鼎臣，官至殿中丞。次曰寶臣，皆先公卒。次曰得臣，太子中舍。次曰輔臣，前將作監丞。次曰清臣，大理評事。公之卒，天子贈賻優恤，加得臣殿中丞，清臣衛尉丞。明年八月某日，葬公宣州之某鄉某原。銘曰：

士之所難，有蘊無時。偉歟梅公，人主之知。勇無不敢，惟義之為。困於翼飛，中垂以斂。一失其塗，進退而坎。理不終窮，既晚而通。惟其壽考，福祿之隆。

註釋

許今河南許昌縣

咸平景德並宋真宗年號

宣城今安徽宣城縣

李繼遷吐蕃會也

靈州今甘肅靈台縣

潘羅支

西涼府六谷都首鎮也

曹瑋字寶臣，真定靈壽人，曹彬子

馬知節字子元，幽州薊人

傅潛冀州衡水人

楊瓊汾州西河人

田紹斌汾州人

王榮定州人

杭州見劉才甫送沈樂園序

濠州今江蘇吳縣，見太尉文正王公神道碑銘

襄州見柳子厚故襄陽丞趙君墓誌

鄂州見韓退之

陝

與鄂州柳中丞書

天禧見太尉文正王公神道碑銘

懷州見太常博士尹君墓誌銘

池州今安徽貴池縣

楚州見與尹師魯書

壽州今安徽壽縣

陝

今河南

并州今山西陽曲縣

康定見石曼卿墓表

歐陽永叔尚書都官員外郎歐陽公墓誌銘

公諱曄，字日華。於檢校工部尚書諱託彭城縣君劉氏之室為曾孫。武昌縣令諱柳蘭陵夫人蕭氏之室為孫。贈太僕少卿諱偃追封潘原縣太君李氏

取昌黎所云而反之同。一。凄絕。

世系仕宦。卒葬。

太子中允。登於朝矣。

如聞其聲。悲婉欲泣。

前總叙京朝官此總挈京朝官所歷之任。又皆有一能政。一總而後。一詳列之。

之室為第三子。於修為叔父。修不幸幼孤。依於叔父而長焉。嘗奉太夫人之教曰。爾欲識爾父乎。視爾叔父。其狀貌起居言笑。皆爾父也。修雖幼。已能知太夫人言為悲。而叔父之為親也。歐陽氏世居江南。僞唐李氏時。為廬陵大族。李氏亡。先君兄弟同時而仕者四人。獨先君早世。其後三人皆登於朝。以歿。公咸平三年舉進士甲科。歷南雄州判官。隨闔二州推官。江陵府掌書記。拜太子中允。太常丞。博士。尚書屯田都官。二員外郎。享年七十有九。最後終於家。以慶歷四年三月十日葬於安州應城縣高風鄉彭樂村。於其葬也。其素所養兄之子修泣而書曰。嗚呼。叔父之亡。吾先君之昆弟無復在者矣。其長養教育之恩。既不可報。而至於狀貌起居言笑之可思慕者。皆不得而見焉矣。惟勉而紀吾叔父之可傳於世者。庶以盡修之志焉。公以太子中允。監興國軍鹽酒稅。太常丞。知漢維州縣博士。知端州桂陽。監屯田。員外郎。知黃州。遷都官。知永州。皆有能政。坐舉人奪官。復以屯田通判歙州。以本官分司西京。託家於隨。復遷都官於家。遂致仕。景祐四年四月九日卒。公為人嚴明方質。尤以廉潔自持。自為布衣。非其義不輒受人之遺。少而所與親舊。後或

應上廉潔

書記時事

書記抗府
主大難抗
豪貴自驕
之府主尤
難信乎其
爲方嚴也
亦應上

明決如神
讀之欲舞

以上二事
應上明

甚貴。終身不造其門。其蒞官臨事。長於決斷。初爲隨州推官。治獄之難決者。三十六。大洪山奇峰寺聚僧數百人。轉運使疑其積物多。而僧爲奸利。命公往籍之。僧以白金千兩餽公。公笑曰。吾安用此。然汝能聽我言乎。今歲大凶。汝有積穀六七萬石。能盡以輸官而賑民。則吾不籍汝。僧喜曰。諾。饑民賴以全活。陳堯咨以豪貴自驕。官屬莫敢仰視。在江陵用私錢。詐爲官市黃金。府吏持帖強僚佐署。公呵吏曰。官市金當有文符。獨不肯署。堯咨雖憚而止。然諷轉運使出公。不使居府中。鄂州崇陽。素號難治。乃徙公治之。至則決滯獄百餘事。縣民王明與其同母兄李通爭產。累歲。明不能自理。至貧爲人賃舂。公折之一言。通則具伏。盡取其產。鉅萬歸於明。通退而無怨言。桂陽民有爭舟而相毆至死者。獄久不決。公自臨其獄。出囚坐庭中。去其桎梏而飲食之。食訖。悉勞而還於獄。獨留一人於庭。留者色動惶顧。公曰。殺人者汝也。囚不知所以然。公曰。吾視食者皆以右手持匕。而汝獨以左。今死者傷在右肋。此汝殺之明也。囚卽涕泣曰。我殺也。不敢以累他人。公之臨事明辨。有古良吏決獄之術多如此。所居人皆愛思之。公娶范氏。封福昌縣君。子男四人。長曰

宗顏次曰宗閔其二早亡女一人適張氏亦早亡銘曰

公之明足以決於事愛足以思於人仁足以施其族清足以潔其身而銘之

以此足以遺其子孫

註釋

南雄今廣東南雄縣

隨見蘇代約燕昭王書

閬今四川閬中縣

應城

見大理寺丞秋君墓誌銘

雒縣

今四川成都縣

桂陽

今湖南汝城縣

黃州

見集賢校理丁君墓表

永州

見柳子厚與蕭翰林俛書

歙州

見方靈臯二貞婦傳

鄂州

見韓退之與鄂州柳中丞書

崇陽

今湖北崇陽縣也

歐陽永叔尚書職方郎中分司南京歐陽公墓誌銘

公諱穎字孝叔咸平三年舉進士中第初任峽州軍事判官有能名即州拜

祕書省著作佐郎知建甯縣未半歲峽路轉運使薛顏巡部至萬州逐其守

之不治者以謂繼不治非尤善治者不能因奏自建甯縣往代之以治聞由

萬州相次九領州而治之一再至曰鄂州二辭不行初彭州以母夫人老不

果行最後嘉州以老告不行實治七州州大者繁廣小者俗惡而奸皆世指

為難治者其尤甚曰歙州民習律令性喜訟家家自為簿書凡聞人之陰私

毫髮坐起語言日時皆記之有訟則取以證其視入狴牢就桎梏猶冠帶偃

簣恬如也盜有殺其民董氏於市三年捕不獲府君至則得之以抵法又富

能字一篇之旨

地總所治之

摘一州以該其餘摘一二難事以該其易者此治績皆與能字相應

施政束上
持身啓下

應嚴
辨明遷擢
非出自晉
公此大節
所關處
應明

著居荆南
之所由
其歿異於
常人故另
提

詳列世系

家有盜夜入啓其藏者有司百計捕之甚急且又大購之皆不獲有司苦之
公曰勿捕與購獨召富家二子械付獄鞫之州之吏民皆曰是素良子也大
怪之更疑互諫公堅不回鞫愈急二子服然吏民猶疑其不勝而自誣及取
其所盜某物於某所皆是然後謹曰公神明也其治尤難者若是其易可知
也公剛果有氣外嚴內明不可犯以是施於政亦以是持其身初皇考侍郎
爲許田令時了晉公尙少客其縣皇考識之曰貴人也使與之遊待之極厚
及公佐峽州晉公薦之遂拜著作其後晉公居大位用事天下之士往往因
而登榮顯而公屏不與之接故其仕也自著作佐郎祕書丞太常博士尙書
屯田都官職方三員外郎郎中皆以歲月考課次第陞知萬峽鄂歛彭鄂閩
饒嘉州皆所當得及晉公敗士多不免惟公不及明道二年以老乞分司有
田荆南遂歸焉以景祐元年正月二十六日終於家年七十有三祖諱某贈
某官妣李氏贈某縣君夫人曾氏某縣君先亡公平生彊力少疾病居家忽
晨起作遺戒數紙以示其嗣子景昱曰吾將終矣後三日乃終而嗣子景昱
能守其家如其戒歐氏出於禹禹之後有越王句踐句踐之後有無疆者爲

由勃海而
長沙而吉
州而荆南
因公又爲
荆南始遷
祖故也

楚威王所滅。無疆之子皆受楚封。封之烏程。歐陽亭者。爲歐陽氏。漢世有仕
爲涿郡守者。子孫遂北。有居冀州之渤海。有居青州之千乘。而歐陽仕漢。世
爲博士。所謂歐陽尚書者也。渤海之歐陽。有仕晉者曰建。所謂渤海赫赫。歐
陽堅石者也。建遇趙王倫之亂。其兄子質南奔長沙。自質十二世生詢。詢生
通。仕於唐。皆爲長沙之歐陽。而猶以渤海爲封。通又三世而生琮。琮爲吉州
刺史。子孫家焉。自琮八世生萬。萬生雅。雅生高祖諱效。高祖生曾祖諱託。曾
祖生皇祖武昌令諱柳。皇祖生公之父贈戶部侍郎諱傲。皆家吉州。又爲吉
州之歐陽。及公遂遷荆南。且葬焉。又爲荆南之歐陽。嗚呼。公於修叔父也。銘
其叔父。宜於其世。尤詳。銘曰。
壽孰與之。七十而老。祿則自取。於取猶少。扶身以方。亦以從公。不變其初。以
及其終。

靈釋

峽州

見韓退之太原王君墓誌銘

建甯

見方靈臯送李雨蒼序

萬州

今四川萬縣

鄂州

見韓退之與鄂州柳中丞書

彭州

見永春縣

令歐君

嘉州

見徂徠先墓誌銘

歙州

見方靈臯二貞婦傳

狴牢

狴，犴，獸名。借名牢獄之稱。

桎梏

桎，足械。梏，手械也。

偃簣

偃，仆也。簣，蓆也。猶言

仆於席

恬安

許田

今河南許昌縣

丁晉公

名謂，字謂之。後更字公言。蘇州長洲人。

明道

宋仁宗年號

歐陽仕漢

歐陽生，字和伯。傳伏生尚

書至欽八世
皆為博士 歐陽建字堅
詢字信本
臨湖人

歐陽永叔南陽縣君謝氏墓誌銘

且曰提通
首夫語

趁卒時歛
服帶出貧
字凌甚逸
甚又即趁
貧字提轉
表出樂貧
之趣筆筆
瑩潔
其平居句
又因排調
就便凌下
又筆筆折
以上述安
以下述其
明識知道
此層寫來
尤可敬筆

予友宛陵梅聖俞。來自吳興。出其哭內之詩而悲曰。吾妻謝氏亡矣。丐我以銘而葬焉。予諾之。未暇作。居一歲中。書七八至。未嘗不以謝氏銘爲言。且曰。吾妻故太子賓客諱濤之女。希深之妹也。希深父子爲時聞人。而世顯榮。謝氏生於盛族。年二十以歸吾。凡十七年而卒。卒之夕。斂以嫁時之衣。甚矣。吾貧可知也。然謝氏怡然處之。治其家有常法。其飲食器皿。雖不及豐侈。而必精以旨。其衣無故新。而澣濯縫紉。必潔以完。所至官舍。雖卑陋。而庭宇灑掃。必肅以嚴。其平居語言容止。必從容以和。吾窮於世久矣。其出而幸與賢士大夫遊而樂。入則見吾妻之怡怡而忘其憂。使吾不以富貴貧賤累其心者。抑吾妻之助也。吾嘗與士大夫語。謝氏多從戶屏間竊聽之。閒則盡能商榷。其人才能賢否。及時事之得失。皆有條理。吾官吳興。或自外醉而歸。必問曰。今日孰與飲而樂乎。聞其賢者也。則悅。否則歎曰。君所交皆一時賢儔。豈其屈己下之邪。惟以道德焉。故合者尤寡。今與是人飲而歡耶。是歲南方旱。仰

又曲甚此層語近
卒時也
就便作束
只數字括
盡

應前書七
八至結亦
曲甚
若此勸還
且曰
誌客葬引
銘意

銘辭總為
客葬慰之
梅書中必
有款然於
此者也

見飛蝗而歎曰。今西兵未解。天下重困。盜賊暴起於江淮。而天旱且蝗如此。我為婦人。死而得君葬我。幸矣。其所以能安居貧而不困者。其性識明而知道理多此類。嗚呼。其生也迫吾之貧。而沒也又無以厚焉。謂惟文字可以著其不朽。且其平生尤知文章為可貴。歿而得此。庶幾以慰其魂。且塞予悲。此吾所以請銘於子之勤也。若此。予忍不銘。夫人享年三十七。用夫恩封南陽縣君。二男一女。以其年七月七日卒於高郵。梅氏世葬宛陵。以貧不能歸也。某年某月某日葬於潤州之某縣某原。銘曰。

高崖斷谷兮。京口之原。山蒼水深兮。土厚而堅。居之可樂兮。卜者曰然。骨肉歸土兮。魂氣升天。何必故鄉兮。然後為安。

註釋

宛陵

今安徽宣城縣

吳興

今浙江吳興縣

蝗

蟲名。有赤脚黃脚二種。飛集田間。食禾立盡。農家之害蟲也。

高郵

今江蘇高郵縣

歐陽永叔北海郡君王氏墓誌銘

太常丞致仕吳君之夫人曰北海郡君王氏。濰州北海人也。皇考諱汀。舉明經不中。後為本州助教。夫人年二十三歸於吳氏。天聖元年六月二日。以疾卒。享年三十有七。夫人為人孝順儉勤。自其幼時。凡於女事。其保傅皆曰。教

其賢能純
從旁人口
中叙出所
謂實者虛
也

以上叙夫
人以下叙
其子之能
顯揚其母

結賢子

岩逸

而不勞。組紉織紝。其諸女皆曰。巧莫可及其歸於吳氏也。其母曰。自吾女適人。吾之內事無所助。而吳氏之姑曰。自吾得此婦。吾之內事不失時。及其卒也。太常君曰。舉吾里中有賢女者。莫如王氏。於是娶其女弟。以爲繼室。而今夫人戒其家曰。凡吾吳氏之內事。惟吾女兄之法是守。至今而不敢失。夫人有賢子曰奎。字長文。初舉明經。爲殿中丞。後舉賢良方正。直言極諫。今爲翰林學士。尙書兵部員外郎。知制誥。夫人初用子恩。追封福昌縣君。其後長文貴顯。以夫人爲請。天子曰。近臣吾所寵也。有請其可不從。乃特追封夫人爲北海郡君。長文號泣頓首曰。臣奎不幸。竊享厚祿。不得及其母。而天子寵臣以此。俾以報其親。臣奎其何以報。當是時。朝廷之士大夫。吳氏之鄉黨鄰里。皆咨嗟歎息曰。吳氏有子矣。嘉祐四年冬。長文請告於朝。將以明年正月丁酉葬夫人於鄆州之魚山。以書來乞銘。夫人生三男。曰奎。奄胃。今夫人生一男曰參。女三人。孫男女九人。曾孫女二人。銘曰。

奎顯矣。奄早亡。胃與參。仕方強。以一子。榮一鄉。生雖不及歿。有光。孫曾多有後愈昌。

註釋

濰州 今山東濰縣

天聖 見蘇氏文集序

保傅 保姆也

鄆州 見徂徠先生墓誌銘

古文辭類纂評註卷四十六終